




第十九
石湖詩鈔

柳田文庫
文庫11
D 156
19



文獻 11
D 156
19

序

御製

詩之爲道。未有不備衆妙而可以詩鳴也。如范石湖先生詩。姜白石稱其溫潤。楊誠齋稱其清新。嫵麗。至有摘月從雪後。皆奇夜。天到梅邊。有別春之句。以爲絕調者。此如晁無咎誦張文潛斜日兩竿眠犢晚。春波一眼去。鳧寒爲莫能及者等。夫古今之論詩者多矣。惠休稱謝靈運爲初日芙蓉。沈約稱王筠爲彈丸脫手。要亦得其鬚耳。豈遂有以抉作者之髓哉。石湖詩如客愁無錦字。鄉信有燈花。釀泥深巷五更雨。吹酒小樓四面風。何嘗不淒婉。洛花堆錦暖。吳藕鏤冰寒。石門柳綠清明雨。

御製

010190554274

48-12190

洞口桃花上巳山。何嘗不工緻。悲壯則舟危。神女峽。馬瘦鬼門關。漢樹有情橫北渚。蜀江無語抱南樓。精細則袖單嫌翠薄。杯冷怯金寒。雲堆不動山深碧。星出無多月淡黃。卽五七律中。可見者如此。而可以一格律之哉。然所造詣無端。充之而極其致。且各極其致。嗚呼難言之矣。

雪蒼氏題



石湖詩鈔

五四

范成大字致能。吳郡人也。紹興擢進士第。授戶曹監和劑局。遷正字。累遷著作佐郎。除吏部郎官。奉祠起知處州。入為禮部員外郎。兼崇政殿大學士。使金國。歸除中書舍人。出知廣西靜江府。除敷文閣待制。四川制置使。召對除權吏部尚書。拜叅知政事。奉祠起知明州。除端明殿學士。尋帥金陵。進資政殿學士。再領洞霄宮。加大學士。卒。所居石湖在太湖之濱。阜陵宸翰扁之。其詩而不釀縮而不窘。新清嫵媚。奄有鮑謝。奔逸俊偉。太白當是時。石湖與楊誠齋陸放翁尤遂。初皆南大家也。誠齋言余於詩。豈敢以千里畏人者。而於斂衽焉。



河豚嘆

鱖生蔡菟腸。食事一飽足。腥腐色所難。况乃衷醜毒。彭亨
強名魚。殺氣孕慘贖。既非養生具。宜謝砧几酷。吳儂真差
事。網索不遺育。捐生決下箸。縮手汗童僕。朝來里中子。饒
吻不待熟。濃睡喚不應。已落新鬼籙。百年三寸咽。水陸富
肴藪。一物不登俎。未負將軍腹。爲口忘計身。饕死何足哭。
作備者誰歟。至今走末俗。或云先王意。除惡如執菽。逆梟
與毒獍。歲歲參幣玉。芟夷入薦羞。蓋欲殲種族。死生有定
數。斷命烏可續。適下是時者。未易一理局。鼇鼎子公怒。羊
羹華元衄。異味古所珍。無事苦畏縮。駢頭証此語。戒諭祇
取瀆。聾盲死不悟。明知諒已燭。

續長恨歌七首

金盤激灑曉粧寒。國色天香勝牡丹。白鳳詔書來已暮。六
宮鉛粉半春闌。

紫微金屋閉春陽。石竹山花却自芳。莫道故情無覓處。領
中猶有隔生香。

聞道蓬壺重見時。瘦來全不耐風吹。無端卻作塵間念。已
被仙宮聖得知。

別後相思夢亦難。東虛雲路海漫漫。仙凡頓隔銀屏影。不
似當時取次看。

人似飛花去不歸。蘭昌宮殿幾斜暉。百年只有雲容姊。曾
得當時舊舞衣。

驪山六十二高樓。突兀華清最上頭。玉羽川長湘浦暗。三
郎無事更神遊。

帝鄉雲馭若爲雷八景三清好在否玉笛不隨雙鶴法入
間猶得聽梁州

過平望

寸碧闌高浪孤墟明夕陽水柳搖病綠霜蒲蘸新黃孤嶼
乍舉網蒼烟忽鳴榔波明荇葉顫風熟蘋花香鷄犬各村
落蓴鱸近江鄉野寺對客起樓陰濯滄浪古來離別地清
詩斷人腸亭前舊時水還照兩鴛鴦

長安聞

斗門貯淨練懸板淙驚雷黃沙古岸轉白屋飛簷開是間
衰丈許舳艫蔽川來千車擁孤隧萬馬盤一坏篙尾亂若
雨檣竿束如堆摧摧勢排軌洶洶聲喧厓偏仄復偏仄誰
肯少徘徊傳呼津吏至弊蓋凌高埃聶嚅議讓征母怒不
可數吾觀舟中子一一皆可棄夫爲利驅小者飢寒
古今其來往所得隨飛灰我乃時旅人胡爲乎來哉

兩木

壬申五月病卧北窓惟庭柯相對手植綠橘枇杷皆森
然出屋枇杷已著子橘樹十年不花各賦一首

枇杷昔所嗜不問甘與酸黃泥裹餘核散擲籬落間春風
拚勾萌樸檉如榛菅一株獨成長蒼然齊屋端去年小試
花籠籠犯冰寒化成黃金彈同登桃李盤大鈞播羣物幹
旋不作難樹老人何堪覩鏡覓朱顏頷髭爾許長大笑歎
中冠

綠橘生西山得自髯翁家云此接活根是歲當著花俛仰
乃十霜垂蠶紛相遮芳意竟寂寞枯枝謾槎牙風土諒非

宜翁言豈予夸會令返故山高深謝汚邪石夜滋舊根山
英擢新葩黃圃挂霜實大如墜峒瓜嘗有四老人來駐七
香車

落鴻

落鴻聲裏怨關山淚濕秋衣不肖乾只道一番新雨過誰
知雙袖倚樓寒

浙江小磯春日

客裏無人共一杯故園桃李爲誰開春潮不管天涯恨更
捲西興暮雨來

二月三日登樓有懷金陵宣城諸友

百尺西樓十二欄日遲花影對人閒春風已入片時夢寒
食從今數日間折柳故情都望斷落梅新曲與誰關詩成

欲訪江南便千里煙波萬疊山

代聖集贈別

一曲悲歌水倒流尊前何計緩千憂事如夢斷無尋處人
似春歸挽不畱草色粘天鴉鳩恨雨聲連曉鷓鴣愁迢迢
綠浦帆飛遠今夜新晴獨倚樓

寒食郊行書事二首

野店垂楊步荒祠苦竹叢鷺窺蘆泊水鳥啄紙錢風媪引
濃粧女兒扶爛醉翁深村時節好應爲去年豐

隴麥欣欣綠山桃寂寂紅帆邊漁絕浪木末酒旗風信步
隨芳草迷途問小童賞心添脚力呼渡過溪東

初夏二首

清晨出郭更登臺不見餘春只麼回柔葉露枝垂向老菜

花成萎蝶飛來
晴絲千尺挽韶光
百舌無聲燕子忙
永日屋頭槐影暗
微風扇裏麥花香

曉行

篝燈驛吏喚人行
寥落星河向五更
馬上誰驚千里夢
石頭岡下小車聲

秦淮

不將行李試開關
誰信江湖道路難
腸斷秦淮三百曲
船頭終日見方山

白鷺亭

倦遊客舍不勝閒
日日清江見倚欄
少待西風吹雨過
更從二水看淮山

脂井三首

昭光殿下起樓臺
泮得山河付酒盃
春色已從金井去
月華空上石頭來
午睡醒來一夢非
匆匆玉樹逐春歸
胭脂却作千年計
不似愁魂四散飛
腰支旅拒更神遊
桃葉山前水自流
三十六書都莫恨
頻將歌舞過揚州

九月三日宿胥口始聞雁

故人久不見乍見雜悲喜
新雁如故人一聲驚我起
把酒不能觴送目問行李
曾云行路難空蒙千萬里
塞北多關山江南漸雲水
風高吹汝瘦旅伴今餘幾
斜行不少駐滅沒蒼煙裏
羈遊吾亦倦客程殊未已
扁舟費年華短纜繫

沙尾物性各有役。冥心聽行止。江郊匝地熱。塲圃平如紙。
歸期且勿念。共飽豐年米。

姑惡

姑惡水禽。以其聲得名。世傳姑虐其婦。婦死所化。東坡
詩云。姑惡姑惡。姑不惡。妾命薄。此句可以泣鬼。余行茗
雲。始聞其聲。晝夜哀厲不絕。客有惡之。以爲此必子婦
之不孝者。余爲作後姑惡詩。

姑惡婦所云。恐是婦偏辭。姑言婦惡。定有之。婦言姑惡。未
可知。姑不惡。婦不死。與人作婦。亦大難。已死人言尚如此。

大暑舟行含山道中。雨驟至。霆奔龍挂。可駭。

噴雲暖前驅。連鼓江後殿。駸駸失高丘。擾擾暗古縣。白龍
起幽壑。黑霧佐神變。盆傾耳雙噴。斗暗目四眩。沈重腹逾
飽。榜潤鳴更健。圓漪暈雨點。濺滴走波面。伶俜愁孤鶯。颯
閃亂飢燕。麥老枕水卧。秧穉與風戰。牛蹊炭城沈。蟻隧洶
甌建。水車競施行。歲事敢休宴。呶啞嘯簧鳴。轆轤連鎖轉。
駢頭立婦子。列舍望宗伴。東枯駭西潰。寸涸驚尺澁。嗟予
豈能賢。與彼亦何辨。扁舟風露熟。半世江湖徧。不知憂稼
穡。但解加餐飯。遙憐老農苦。敢厭遊子倦。

題畫卷二首

鑿落秋江水。石明高楓老。柳兩灘橫。君看墨嶽雲容變。又
有中宵雨意生。

欹傾棧路繞山明。隔隴人家犬吠聲。無限白雲堆去路。不
知誰識許宣平。

立春日郊行

竹擁溪橋麥蓋坡，土牛行處亦笙歌。麴塵欲暗垂垂柳，醅
面初明淺淺波。日滿縣前春市合，潮平浦口暮帆多。春來
不欲無兼句，奈此金旛綠勝何。

晚潮

東風吹雨晚潮生，疊鼓催船鏡裏行。底事今年春漲小，去
年曾與畫橋平。

一篙

一篙新綠浦東西，雪絮漫江雁不飛。宿雨纔晴風又轉，片
帆那得及時歸。

碧瓦

碧瓦樓前繡幙遮，赤欄橋外綠溪斜。無風楊柳漫天絮，不
雨棠梨滿地花。

暮春上塘道中

客舍無煙野水寒，競船人醉鼓闌珊。石門柳絮清明市，洞
口桃花上巳山。飛絮著人春共老，片雲將夢晚俱還。明朝
遮入長安道，慚愧江湖釣手閒。

餘杭道中

落花流水淺深紅，盡日帆飛繡浪中。桑眼迷離應久雨，麥
鬚騷殺已禁風。牛羊路杳千山合，鷄犬村深一徑通。五柳
能消多許地，客程何苦鎮匆匆。

陳侍御園上坐

慈眼逢歡春水明，詩情得酒春雲生。花梢蝴蝶作團去，竹
裏鶯鳩相對鳴。邂逅浮生此日好，纏絲俗累何時輕。擘棊
沫墨之奇句，擲笛當筵慚妙聲。

獨遊虎跑泉小庵

苔徑彎環入茅齋取次成蔓花緣壁起閒草上階生宿雨
松篁色新晴燕雀生筒泉烹御米聊共老僧傾

樂神曲

豚蹄滿盤酒滿杯清風瑟瑟神欲來願神好來復好去男
兒拜迎女兒舞老翁翻香笑且言今年田家勝去年去年
解衣折租價今年有衣著祭社

繰絲行

小麥青青大麥黃原頭日出天色涼姑婦相呼有忙事舍
後煮繭門前香繰車嘈嘈似風雨繭厚絲長無斷縷今年
那暇織絹著明日西門賣絲去

田家畱客行

行人莫笑田家小門戶雖低堪酒掃火兒繫驢桑樹邊小
兒拂席軟勝氈木臼新春雪花白急炊香飯來看客好人
入門百事宜今年不憂蠶麥遲

催租行

輸租得鈔官更催踉蹌里正敲門來手持文書雜嗔喜我
亦來營醉歸爾牀頭慳囊大如拳撲破正有三百錢不堪
與君成一醉聊復償君草鞋費

癸亥日泊舟吳會亭

去年春盤浙江驛湛湛清波動浮石今年春盤吳會亭冥
冥細雨濕高城天邊作客風沙裏去年今年成老矣客心
古井冷無波過眼人情亦如水憶昔三生住翠微偶來平
地著征衣山中故人應大笑扁舟空穩何當歸

題開元天寶遺事四首

御前羯鼓透春空，笑覺花奴手未工。一曲打開紅杏蕊，須知天子是天公。

謝蠻舞袖貴妃絃，秦國如花鏡國妍。不賞纏頭三百萬，阿姨何處費金錢。

朝天車馬詔頻催，劇得新湯不敢開。忽報豬龍掀宇宙，瞞空讀相書來。

剝啄延秋屋上烏，明朝箭道入東都。宮中亦有風流陣，不及漁陽突騎粗。

半塘

柳暗閭門逗曉開，半塘塘下越溪回。炊烟雜枕船船過，芳草綠堤步步來。

楓橋

朱門白壁枕彎流，積李無言滿屋頭。牆上浮圖路傍候，送人南北管離愁。

橫塘

南浦春來綠一川，石橋朱塔雨依然。年年送客橫塘路，細雨垂楊繫畫船。

天平寺

舊遊彷彿記三年，轟飲題詩月滿山。山上白雲應解笑，又將塵土澆朱顏。
三年前至先兄與子同唐少梁登山絕頂歸迷路捫蘿而下夜以午僧散遣羣僮秉燭求余三人久而莫得以為已仙也是夜宿寺中聯句達曉東坡曰自從有此人白石封蒼苔何嘗有此象將去復徘徊至今徒來手余心

賀樂丈先生南郊新居

五湖寺抄

九

新堂燕雀喜，竹籬桂藤蘿。崩奔風濤裏，得此巢龜荷。西山
效爽氣，南浦供清波。會心不在遠，容膝何須多。先生淮海
俊，踏地嘗兵戈。飄飄萬里道，芒鞋厭關河。風吹落下邑，楚
語成吳歌。豈不有故國，荒垣鞠秋莎。無庸說當歸，到處皆
南柯。卜遷不我遐，一水明青羅。門戶長獨佳，奈客剝啄何。
會令蒼苔石，屐齒如蜂窠。

田舍

呼喚攜鉏至，安排斜圃忙。兒童眠落葉，烏雀噪斜陽。烟火
村聲遠，林菁野氣香。樂哉今歲事，天末稻雲黃。

病中夜坐

村巷秋春遠，禪房夕磬深。飢蚊嘗遶鬢，暗鼠忽鳴琴。薄蔭
寒相中，稜稜瘦不禁。時成洛下詠，卻似越人吟。

十一月十二日枕上曉作

竹嚮風成陣，窓明雪已花。柴扉冷凍犬，紙瓦啄飢鴉。宿酒
欺寒力，新詩管歲華。日高猶擁被，羸食媿鄰家。

除夜書懷

運斗寅杓轉，周天日御回。夜從冬後短，春逐雨中來。鬢綠
看看雪，心丹念念灰。有懷憐斷雁，無息惜疎梅。絮厚眼生
纈，蔬寒腸轉雷。燭花紅瑣碎，香霧碧徘徊。昨夢書三篋，平
生酒一盃。牀頭新曆日，衣上舊塵埃。搖落何堪柳，紛紜各
夢槐。隙光能幾許，世事劇悠哉。岐路東西變，義娥日夜催。
頭顱原自覺，懷抱故應開。踴躍金何喜，青黃木自災。身謀
同斥鷃，政爾願蒿萊。

題張氏新亭

水楊成幄翠相遮，猶有東風管物華。
葉底青梅無數子，梢頭紅杏不多花。
煩將練火炊香飯，更引長泉煮鬪茶。
約我詩成須疥壁，莫嗔歌側似歸鴉。

病中絕句八首

空裏情知不著花，逢場將病作生涯。
蒲團軟暖無時節，夜聽蚊雷曉聽鴉。

溽暑熏天地湧泉，彎跽避濕挂行纏。
出門斟酌無心事，睡過黃梅細雨天。

石鼎颼颼夜煮湯，亂拋參朮鬪溫涼。
化兒幻我知何用，祇與人間試藥方。

病中心境兩俱降，猶憶江湖白鳥雙。
一夜雨聲鳴紙瓦，聽成飛雪打船窓。

簾頭排縹密如簾，溪上層陰寒解嚴。
最是看山奇絕處，雲堆絮擁青尖。

夜合稍頭蘸紫茸，菜葱頂上新黃。
去年團扇題詩處，依舊疎簾細雨中。

盆傾甌建夜翻渠，遶屋蛙聲一倍粗。
想見西堂渾不睡，明朝踏濕看菖蒲。

晴色先從喜鵲知，斜陽一抹照天西。
竹鷄何物能無賴，如許泥深更苦啼。

雲間湖光亭

微風不動歛濤濤，組練晶晶色界寒。
斜照發揮猶未盡，月明殘夜更來看。

雪霽獨登南樓

雪晴風勁晚來冰。樓上奇寒病骨驚。雀啄空簷銀笋墮。鴉
翻高樹玉塵傾。青帘閃閃千家。黃帽亭亭一水橫。坐久
天容卻溫麗。一彎新月對長庚。

上沙遇雨快涼

刮地風來健葛衣。一涼便覺暑光低。雲頭龍挂如垂筋。雨
在中峰白塔西。

自天平嶺過高景庵

卓筆峰前樹作團。天平頂上石成關。綠陰匝地無人過。落
日秋蟬滿四山。

曉自銀林至東瀾登舟寄宣城親戚

曉山障望眼。脉脉紫翠橫。澄江已不見。况乃江上城。結束
沿野裝。木末浮三星。羸馬隴頭嘶。小車谷中鳴。亭亭東瀾

樹。練練綠浦明。篙師笑迎我。新漲沒蘋汀。徑投一葉去。雲
水相與平。聊將塵土面。照此玻璃清。懷我二三友。高堂晨
欲興。風細桐葉墮。露濃荷蓋傾。凝香繞燕几。安知路傍情。
復自姑蘇過宛陵至鄧步出陸

乘家饋食糧為藩。酒市停驂竹廡門。紅樹亭亭棲晚照。黃
茅杳杳被高原。飲溪有迹於菟過。掠草如飛朴渥翻。車軌
如溝平地少。飽帆天鏡憶江村。

南塘冬夜唱和

燃箕烘暖夜窓幽。時有新詩趨唱酬。為問灞橋風雪裏。何
如田舍火爐頭。寒缸欲暗吟方苦。凍筆難驅字更遒。絕笑
兒癡生活淡。略無歲晚稻梁謀。

花山村舍

潦退難灘露。沙虛岸岸頽。澗聲穿竹去。雲影過山來。柳蒲
枯枝住。桑花共葉開。庵廬少來往。門巷濕蒼苔。

清明日狸渡道中

灑灑沾巾雨。披披側帽風。花然山色裏。柳卧水聲中。石馬
立當道。紙鸞鳴半空。壻間人散後。烏鳥正西東。

南塘寒食書事

埂外新陂綠。岡頭宿燒紅。裹魚蒸菜把。饋鴨鎖筠籠。酒侶
晨相命。歌場夜不空。土風并節物。不與故鄉同。

高淳道中

路入高淳麥更淡。草泥沾潤馬駸駸。雨歸隴首雲凝黛。日
漏山腰石滲金。老柳不春花自蔓。古祠無壁樹空陰。一簾
定屬前村店。袞袞炊烟起竹林。

宿牧馬山勝果寺

佛燈已暗還吐。旅枕纔安卻驚。月色看成曉色。溪聲聽作
松聲。

自寧國溪行至宣城舟人云凡百八十灘

波驚石險夜喧雷。晚泊旗亭笑眼開。休問行人緣底瘦。適
從百八十灘來。

晚步西園

料峭清寒結晚陰。飛來院落怨春深。吹開紅紫還吹落。一
種東風兩樣心。

早發竹下

結束晨粧破小寒。跨鞍聊得散疲頑。行衝薄薄輕輕霧。看
放重重疊疊山。碧穗炊烟當樹直。綠紋溪水趁橋灣。清禽

百轉似吟客。正在有情無息間。

後催租行

老父田荒秋雨裏。舊時高岸今江水。傭耕猶自抱長飢。的
知無力輸租米。自從鄉官新上來。黃紙放盡白紙催。賣衣
得錢都納卻。病骨雖寒聊免縛。去年衣盡到家口。大女臨
岐兩分首。今年次女已行媒。亦復驅將換升斗。室中更有
第三女。明年不怕催租苦。

次韻子文衝雨送使者道間子規

夢魂蝴蝶翅。鼻息鼉鼓喚。起治曉粧。馬嘶僮僕語。汨泥
溷鳧鷖。慚愧黃鵠舉。猥吟陬隅池。浪廢梲棹圃。啼鴉撩客
心。鉤引着何許。請歌蘇仙詞。歸耕一犁雨。

次溫伯用林公正劉慶充倡和韻

前山後山梅子雨。屯雲日夜相吞吐。長林絕壑望不到。時
有樵歸說逢虎。奔溪朝來忽怒漲。夾岸柳梢餘尺許。屋頭
未放濃嵐散。苦憶清光泛瓊宇。客行落此亂山中。但欲尋
人訴羈旅。比鄰邂逅得清士。眉宇津津佳笑語。杯行起舞
出新句。我氣已衰聊復鼓。明年與君航太湖。扁舟踏浪不
踏土。沈沈玉柱閔仙窟。矯矯虹梁浮水府。目力無窮天不
盡。卻笑向來誰縛汝。

次韻溫伯謀歸

官路驅驅易折肱。官曹隨處是愁城。隨風片葉鄉心動。過
雨千峰病眼明。一巒何須嘗世味。寸田久已廢吾耕。羨君
早作歸歟計。屈指從今幾合并。

慶充自黃山歸索其道中詩書一絕問之

鳴騶如電馬如雷。知是婆娑醉尉回。常日錦囊猶有句。况從三十六峰來。

賞雪騎鯨軒子文夜歸酒渴侍兒薦茗飲密漿明日以詫同遊戲爲書事邀宗偉同作

溪山四時佳。今夕更奇絕。天公妙莊嚴。施此一川雪。飛花浩如海。眩轉寒空濶。水西萬林樹。玉塔照銀闕。碧漢不受凍。長灘瀉清咽。漁舟晚猶泛。樵擔寒未歇。懸知畫不到。未省詩能說。歸來強搜句。冰硯冷于鐵。不如嚴夫子。迎門生暖熱。梅香不可耐。但覺酒腸渴。密融花氣動。茶泛乳膏發。寧辭春筭寒。爲暖花甕滑。膏騰畫屏暖。喚起眼餘纈。喚我獨何事。作此淡生活。想像高唐賦。何如徑排闥。

雪後守之家梅未開呈宗偉

瓦溝凍殘雪。簷溜黏輕冰。破寒一竿日。春隨人意生。瑞葉再三白。南枝尚含情。定知司花女。未肯嫁娉婷。官居若無賴。一笑如河清。落木露荒山。寒溪遶孤城。朝莫何所見。雲黃叫飢鷹。東風不早計。愁眼何當明。北鄰小橫斜。蘚地可班荆。憑君趣花信。把酒撼瓊英。

次韻宗偉閱番樂

十日閒愁晝掩關。起尋一笑共清歡。罷休詩社工夫淡。洗淨書生氣味酸。盡遣餘錢付桑落。莫隨短夢到槐安。務靴畫鼓畱花住。剝舞春風小契丹。

五月聞鶯二首

桑陰淨盡麥頭齊。江上聞鶯每歲遲。不及曉風鴨鵝子。迎春啼到送春時。

一聲初上最高枝。忙殺嘔啞百舌兒。老盡西園千樹綠。卻
憐槐眼正迷離。

送子文雜言

陰谷雲低梅雨多。黃山滌源溪湧波。南風匝地送歸客。雙
槳下瀨如投梭。嚴夫子君舉酒我其爲君歌。萬山叢叢石
鑿鑿。官居破屋巢烟蘿。杜鵑曉啼猿莫叫。客行到此真蹉
跎。窮愁無復理。一飲三嘆息。城東費舍有佳人。邂逅使我
加餐食。同鄉更同調。目擊心已傳。螿蟲欲作雷奮地。萬籟
方寂風行山。吹竽喚我醒。連鼓相追攀。馳車電轂不可輦。
但覺兩腋生飛翰。狂歌不必終曲。戲奕不必滿局。有時不
揖上馬去。出門大笑驚僮僕。窮鄉眼冷見未曾。道上嘯嘯
相指目。云此隘隘何以有二士。直恐翩翩跨黃鵠。廣文組
解登王畿。諸公貴人爭勸歸。常日心期有定論。贈行不惜
重費詞。腰金佩玉衆目好。折簡沈碑千載癡。一尊有意重
山嶽。五鼎無心輕網絲。嚴夫子應領略。別後頻書相發藥。
我旣爲萬頃之狎鷗。君勿作九臯之鳴鶴。

新館

露稻黏明璫。風茅袞高浪。荒荒白楊道。行行亂蟲響。日脚
午未吐。雲頭晚猶漲。欣此半日涼。藍輿走清曠。病客不堪
暑。茲行天官相。蛟蟲掃無迹。秋意滿千嶂。相尋泉石盟。略
褫簿書障。鵠原定相念。因風報無恙。

臨溪寺

萬山遶潺湲。二水奔瀨洞。亭亭林中寺。金碧燦欄棟。解鞍
得蒲團。卧受瓦爐供。少捐一炊飯。暫作百年夢。無人自驚

覺幽禽正清唳。倦客如殘僧。無力供世用。此行端爲山。紫翠迭迎送。漱井出門去。驚塵撲飛轡。

盤龍驛

聞鷄一唱罷。占星三斗沒。天高月徘徊。野曠山突兀。暗蛩泣草露。怨亂語還咽。涼螢不復舉。點綴稻花未。惟餘絡緯豪。悲壯殷林樾。小蟲亦何情。孤客心斷絕。魂驚板橋穿。足側石子滑。行路如許難。誰能不華髮。高城謾回首。登嶂屹天闕。遙知秋衾夢。千里一飄忽。

竹下

松杉晨氣清。桑柘暑陰薄。稻穗黃欲圓。槿花紅未落。秋鶯尚嬌姘。晚蝶成飄泊。犬駮逐車馬。雞驚撲籬落。道逢行商問。平生幾芒屨。頰肩走四方。爲口不計脚。劣能濡筆瓢。何敢議囊橐。我亦糜斗升。三年去丘嫂。二俱亡羊。未用苦商略。

商略

寒亭

溝塍與澗合。隴畝抱山轉。向來六月旱。此地免焦卷。早穗已垂垂。晚苗猶剪剪。一川豐年意。比屋鬧雞犬。老農霜鬚鬢。鬢鬢矍黃憤。健自云足蹈地。常賦何能免。刈熟倩人輸。不識長官面。康年無復事。但恐社酒淺。我亦有二頃。收拾尚可繭。懷哉笠澤路。歸鑿犁頭蘇。

清逸江

微生本漁樵。長日渺江海。扣舷濯滄浪。尚說天宇隘。竭來車馬路。悒悒佳息敗。黃塵撲眉鬚。驅逐似償債。羸驂繫偏仄。狂犬吠荒怪。鄉心入旅夢。一葉舞澎湃。晨興過墟市。喜

有魚蝦賣。眼明見清江。積雨助橫瀆。褰裳喚扁舟。艤不勝載。不辭野渡險。弄水聊一快。

新嶺

瘦馬兀曹騰。荒鷄號蒼莽。絲窠冒朝露。籬落萬蛛網。宿雲拂樹過。飛泉擘山響。老桑踞潛蚪。怪蔓挂騰蟒。山行何許深。空翠滴羈鞅。釀愁積雨寒。破悶朝日放。曛曛赤幟張。昱昱金鉦上。浮動草花馥。清和野禽唱。僕夫有好語。沙平路如掌。惟憂三溪阻。橋斷山水漲。

送通守趙積中朝議請祠歸天台

城頭千峰青繞屋。城下灘流三百曲。誰云偪仄復偪仄。尚有高軒肯來辱。紅梅花下雨芳春。春風惠和如主人。捨攘塵土簿書裏。見此纒籍天球溫。厚祿故人車結轍。掉頭獨泛清溪月。不從世外得超然。世間誰官如公決。生平我亦一沙鷗。葦白蘆黃今正秋。送公使我歸息動。破烟衝雨憶扁舟。明年想見東山起。我亦煎茶石橋水。道逢篋笠把漁竿。卽是馬曹狂掾史。

送詹道子教授奉祠養親

新安學宮天下稀。先生孝友真吾師。斑衣誤作長裾曳。二年息歸今得歸。幾詞上訴人叵挽。璽書賜可羣公歎。青山百匝不畱人。空畱諸生遮望眼。白雲孤起越南天。向來恨身無羽翰。下馬入門懷橘拜。身今却在白雲邊。鶴髮鬢髮堂上坐。兒孫稱觴婦供果。世間此樂幾人同。看我風前孤淚墮。一盃送舟下水西。我欲贈言無好詞。徑須喚起東廣微。爲伊重補南陔詩。

嚴州

城府黃塵撲馬鞍。一篙重探水雲寒。耳邊眼底無公事。睡過嚴州二百灘。

釣臺

山林城市兩塵埃。邂逅人生有往來。各問此心安處住。釣臺無意壓雲臺。

富陽

不到江湖恰五年。歙山青遶屋頭邊。富春渡口明人眼。落日孤舟浪拍天。

餘杭

春晚山花各靜芳。從教紅紫送韶光。忍冬清馥薔薇臘。薑滿千村萬落香。

插秧

種密移疎綠毯平。行間清淺縠紋生。誰知細細青青草。中有豐年擊壤聲。

曬繭

隔籬處處雪成窩。牢閉柴荆斷客過。葉貴蠶飢危欲死。尚能包裹一絲窠。

次韻甄雲卿晚登浮丘亭

賓筵舊壓三千客。燕榭新高十二城。潑墨雲頭連樹暗。垂絲雨脚過溪生。葛巾羽扇吾身健。雪碗冰瓿子句清。從此相從須痛飲。故應此事勝公榮。

古風上知府秘書二首

神仙絕世立功行。聞清都玉符。賜長生。繭雲遊紫虛。雞犬

爾何知。偶舐藥鼎餘。身輕亦仙去。罡風與之俱。俯視蒼巖落。眇莽如積蘇。非無鳳與麟。終然似蟲魚。微物豈有命。政爾謝泥塗。時哉適丁是。邂逅真良圖。

大鵬上扶搖。南溟聒天沸。斥鷃有羽翼。意滿蓬蒿裏。不如附驥尾。掣電抹荆薊。誰云極么麼。俛仰且萬里。向來庭戶間。決起不踰咫。飄飄託方便。意氣乃如此。物生未可料。旦暮儻逢世。君看功名場。得失一交臂。

拄笏亭晚望

林泉隨處有清涼。山遶闌干客自忙。溪雨不飛虹尚飲。亂蟬高柳滿斜陽。

桑嶺

回腸山百盤。揮手天一握。俯驚危棧穿。仰詫飛石落。恍惚如挽舟。絕叫斷雙筇。怪蔓纏枯槎。瘠草披幽絳。此豈車馬路。誰云強刊鑿。人言遠遊好。呼來試着脚。

次景琳錄事贈別韻

放船鳴櫓便秦吳。送別空煩長者車。宿霧鎖山常幕幕。斷雲將雨忽疎疎。高城五嶺花淡處。短棹三江木落初。賴得溪流通尺素。蒲根仍有一雙魚。

客中呈幼度

手板頭銜意已慵。墨池書枕興無窮。釀泥淡巷五更雨。吹酒小樓三面風。草色有無春最好。客心去住水長東。今朝合有家書到。昨夜燈花綴玉蟲。

送汪聖錫侍郎帥福唐

承明纔入又南州。重見旌旗照柁樓。道義平生無捷徑。風

波隨處有虛舟。如公未可違文石。稽古何妨欠碧油。我亦
登門煩著錄。此行無力爲王留。

長至日與同舍遊北山

歲晚山同色。湖平霧不收。寒雲低閣雪。佳節靜供愁。竹栢
森嚴立。蒲荷索莫休。瘦筇知脚力。政爾耐清遊。

次韻胡邦衡秘監

斯言向來立。千古敢疵瑕。有命孤筇轉。何心勁箭加。人窮
名滿世。天定客還家。回首冥恩怨。虛空不着花。

送周子充左史奉祠歸廬陵

黃鵠飄然下九關。江船載月客俱還。名高豈是孤臣願。身
退聊開壯士顏。傾蓋當年真旦暮。重石中明日有河山。後期
淹速都難料。相對猶憐鬢未斑。

送陸務觀編修監鎮江郡歸會稽待闕

寶馬天街路。烟蓬海浦心。非關愛京口。自是憶山陰。高興
餘飛動。孤忠有照臨。浮雲付舒卷。知子道根深。見說雲門好。全家住翠微。京塵成歲晚。江雨送人歸。邊鎮
風雷動。軍書日夜飛。功名袖中手。世事巧相違。

送李仲鎮宰溧陽

相逢已歎十年遊。冷淡貧交又語離。玉筍換班通籍後。畫
梅吹雨送帆時。月岩家世猶爲縣。仲鎮方叔孫也金澗溪山好賦
詩。喚起酸寒孟東野。倒流三峽洗餘悲。

次韻子永雪後見贈

雪瓊待伴半陰晴。竟日簷水溜雨聲。九陌泥乾塵未動。南
山石露塔猶明。稍聞言語占農事。便覺歸心勝宦情。想得

石湖詩金
三十一
持田來歲好。瓦盆嘉釀。醴瑟城。

與正夫朋元遊陳侍御園

沙際春風轉物華。意行聊復到君家。年年我是重來客。處處梅皆舊識花。官減不妨詩事業。地寒猶辨醉生涯。城中馬上那知此。塵滿長裾席帽斜。

正月十四日雨中與正夫朋元小集夜歸

燈市婁清燈火稀。雨中風帽笑歸遲。月明想在雲堆處。客醉都忘馬滑時。老去尊前花隔霧。春來句裏髻成絲。浮生不了悲歡事。作劇兒童總未知。

韓無咎檢詳出示所賦陳季陵戶部巫山圖詩仰窺高作歎息彌襟。余嘗攷宋玉談朝雲事。漫稱先王時本無據。依及襄王夢之命。玉為賦。但云頰顏怒

以自持。曾不可。犯于後世。弗察一切。禍以媒。

曹子建賦宓妃亦感此而作此。嘲誰當解者。輒用此意。次韻和呈。以資撫掌。

瑤姬家山。高插天。碧叢奇秀。古未傳。向來題目。經楚客。名字。經度峨眉前。是邪非邪。莽難識。喬林古廟。常秋色。暮去行雨朝行雲。翠帷瑤席。知何人。峽船一息且千里。五兩竿頭見幡尾。仰窺仙館至今疑。行人問訊。居人指。千年遺恨。何當申陽臺。愁絕如荒村。高唐賦裏人如畫。玉色頰顏元不嫁。後來飢客眼長寒。浪傳樂府吹復彈。此事牽連到溫洛。更憐塵鞮有無間。君不見天孫住在銀濤許。塵間猶作兒女語。公家春風錦瑟傍。莫為此圖虛斷腸。

次韻王夷仲正字同遊成氏園

秀巖堂上玉東西。把酒登臨望眼迷。天宇四垂粘地近。海山一抹帶潮低。絕知客好無塵事。聊記吾曾有醉題。倚盡羣仙聯姓字。他年誰敢一丸泥。是日諸公令予題壁

送吳智叔檢詳直中秘使闕

抗章撲被豈公難。已說風立懦頑。客路莫嫌河畔草。盧須愛道家山。秋生蓮浦。船初泛。春滿茶溪。騎趣還。却社故人西府舊。定煩書札臨田間。

次韻韓無咎右已汎湖

休沐良辰不待晴。徑稱開客此閒行。春衫欺雨任教冷。眼得山元自明。抹黛濃嵐圍坐晚。揉藍新綠沒篙清。未到催歸去。想被東風笑薄情。

王園官舍睡起

公退閉閣卧。官居如淨舫。屋角斷虹飲。日西楊柳黃。官來束我帶。客去書滿床。睡覺有忙事。煮茶翻斷香。

七月二日上沙夜泛

困倚船窓看斗斜。起看雨露滿天涯。亭亭宿鷺明菰葉。閃閃涼螢入稻花。月下片雲應夜雨。山根炬火忽人家。江湖處處無窮景。半世紅塵老歲華。

長沙王墓在閭門外孫伯符

英雄轉眼逐東流。百戰工夫土一杯。蕎麥茫茫花似雪。牧童吹笛上高丘。

次韻耿時舉王直之夜坐

庭葉翻翻鬧燈花。粟粟穠關山千里雁。風雨滿城鐘隴上。新登穀江頭舊熄烽。今年吾計得安穩。讀三冬。

次韻馬少伊郁寂峰寄示同遊石湖詩卷三首

鏡面波光倒碧峰。半湖雲錦萬芙蓉。去年蕩槩香風襲。行
傍石橋花正濃。

紅皺黃團熟暑風。甘瓜削玉藕玲瓏。身謀已落園丁後。滿
帽京塵日正中。

得得來題小隱詩。拂花紫柳畫船移。湖邊好景春猶未。須
到秋清月滿時。

與長文正夫遊北山

柳岸松門勝處通。馬蹄踏霧入空濛。春光有力欺遊子。天
色無情沒斷鴻。雨脚遠連山脚暗。杏梢斜倚竹梢紅。駝裘
擁鼻吾衰矣。年少猶嫌料峭風。

寓直玉堂拜賜御酒

歸鴉陸續墮宮槐。簾幙參差晚不開。小雨遂將秋色至。長
風時送市聲來。近瞻北斗璿璣次。猶夢西山翠碧堆。慚愧
君恩來甲夜。殿頭宣勸紫金杯。

李翬知縣作亭西湖上。余用東坡語名之曰飲綠。遂

爲勝槩

芷葺蓮巢喚客遊。蘆鞭席帽爲君留。未論吹水堪添酒。且
要移床學枕流。乍霽却陰梅釀雨。暫暄還冷麥催秋。石湖
也似西湖好。煩向蒼烟問白鷗。

送汪仲嘉待制奉祠歸四明分韻得論字

丹青碧海眇高騫。厭直承明却自論。寶馬十年聽漏箭。扁
舟一雨看潮痕。侍臣想憶松門遠。歸客還憐菊徑存。清潤
要非山澤相。又煩一札下雲根。

初約鄰人至石湖

窈窕崎嶇學種園。此生丘壑是前緣。隔離石上浮天水。當
戶山橫匝地烟。春入葑田蘆綻筍。雨傾沙岍竹垂鞭。荒寒
未辦招君醉。且吸湖光當酒泉。

刈麥行

菊花開時我種麥。桃李花飛麥叢碧。多病經旬不出門。東
陂已作黃雲色。腰鎌刈熟趁晴歸。明朝雨來麥帶泥。犁田
待雨插晚稻。朝出移秧夜食麩。

壬辰九月十六日侵晨真率會石湖路中書事

白葛烏巾稱老農。溪南溪北水車風。稻頭的饑粘霜露。步
入明珠翠網中。

雙燕

底處雙飛燕。銜泥上藥欄。莫教驚得去。留取隔簾看。

春日三首

藥欄花暖小鴉眠。雪白晴雲水碧天。煮酒青梅寒食過。夕

陽庭院鎖鞦韆。

西窓一雨又斜暉。睡起熏籠換夾衣。莫放珠簾遮洞戶。從

教燕子作雙飛。

雙鯉無書直萬金。畫橋新綠一篙深。青蘋白芷皆愁思。不

獨江楓動客心。

汴河

指顧枯河五十年。龍舟早晚定疏川。還京却要東南運。酸
棗棠梨莫翫然。

雷萬春墓

在南京城南環以小墳。榜曰忠勇雷公之墓。

石湖詩金
九隕充身不隕名。言言千載氣如生。欲知忠信行蠻貊。過墓兒下馬行。

宜春苑

孤塚權溪滿路隅。行人猶作御園呼。連昌尚有花臨砌。腸斷宜春寸草無。

州橋

州橋南北是天街。父老年年等駕迴。忍淚失聲詢使者。幾時真有六軍來。

宣德樓

曉闕叢霄舊玉京。御牀忽有羊鳴。他年若作清宮使。不挽天河洗不清。

梳行訛雜馬行殘。藥市蕭騷土市寒。調棹紅佳麗地。黃沙如雨撲征鞍。

漸水

黃流日夜向南風。道出封丘處處逢。紫蓋黃旗在湖海。故應河伯欲朝宗。

舊滑州

大伾山麓馬徘徊。積水中間舊滑臺。漁子不知興廢事。清晨吹笛掉船來。

翠樓

連袵成帷迓漢官。翠樓沽酒滿城歡。白頭翁媪相扶拜。垂老從今幾度看。

臨洺鎮

石湖詩金
二一
竟日霜寒暮解圍。融融桑柘染斜暉。北人爭勸臨洺酒。云
有棚頭得兔歸。

真定舞

紫袖當棚雪髯凋。曾隨廣樂奏雲韶。老來未忍看婆舞。猶
倚黃鐘袞六么。

內丘梨園

汗後鶯梨爽似冰。花身耐久老猶榮。園翁指似還三歎。曾
共翁身見太平。

望都

荒寺疎鐘解客鞍。由山東畔白煙寒。望都風土連唐縣。翁
媪排門帶瘿看。

安肅軍

從古銅門控朔方。南城烟火北城荒。臺家抵死爭滹潑。滿
眼秋蕪視夕陽。

燕賓館

九日朝天種落驩。也將佳節勸盃盤。苦寒不似東籬下。雪
滿西山把菊看。

龍津橋

燕石扶欄玉雪堆。柳塘南北抱城廻。西山剩放龍津水。畱
待官軍飲馬來。

自石林回過小玲瓏。巖竇益奇昔爲富人吳氏所有。
今一子尚幼。檢校於官。

一丘乃中虛。洞穴四無礙。卻略巖岫杳。黝糾石狀怪。蒼牛
飲前池。碧鱗澗微瀨。雕鏤具百巧。圖畫窮千態。哀湍寫壞

磴凍雨濕空翠。疎梅照草棘。瘦竹枝蹊隧。當時閻子目。
力有塵外。孤童競難料。奇事疑有待。誰歟千金捐。來換把
茅蓋。不仙亦足豪。衆垓皆纍塊。我評北山遊。絕勝此無對。
玲瓏詎可小。孰能爲之大。

乾道己丑守括被召再過釣臺。自和十年前小詩。刻
之柱間。後五年自西掖帥桂林。癸巳元日雪晴復
過之。再用舊韻三絕。

浮生渺渺但飛埃。問訊星宮又獨來。天上人間最高處。爲
君題作鬱蕭臺。

拙疎何計補涓埃。慚愧雙旌去又來。三過溪門今老矣。病
無脚力更登臺。

界天山雪淨黃埃。江上扁舟夜泛來。匝地東風勸椒酒。山

頭今日是春臺。

豫章南浦亭泊舟二首

繡檻臨滄渚。牙檣插暮沙。浦雲沉斷雁。江雨入昏鴉。野曠
天何近。春寒歲未華。朝來風一席。隨處且浮家。
閨歲花光晚。霜朝草色荒。趁墟猶市井。收潦再耕桑。客路
東西懶。江流日夜忙。長歌情不盡。一酌酌滄浪。

清江臺在臨郡西岡上張安國題榜

南來富壽岡。春勝此蟠結。岑嶁戴南臺。欄檻了風月。蕭灘
曳長煙。貝闕爛殘雪。江流當帶橫。練練浮木末。天風來無
鄉。萬里吹醉纈。登臨信奇事。忍凍亦癡絕。故人春夢覺。遺
墨秋蛇掣。浮雲真可哈。揮觴酌空澗。

初入湖南醴陵界

五明寺少

二十八

崖柳陰陰夾曉途。出山歡喜見平蕪。一春客夢飽風雨。行盡江南開鷓鴣。

醴陵驛

綠水橋邊縣門前。柳已黃。人稀山木壽。土瘦水泉香。乍脫泥中滑。還嗟埃子長。櫛州何日到。鼓柁上滄浪。

初見山花

三日晴泥尚沒鞞。幾將風雨過年華。湘東二月春纔到。恰有山櫻一樹花。

湘江舟尾快風挂帆

船頭雪浪吼奔雷。十丈高帆滿意開。我自只憑忠信力。風世情來。兒童屢惜峰巒過。將士猶教鼓角催。天柱去。更煩先捲亂雲堆。

泊湘江魚口灘

知時

橫竿遊子奔波自鮮歡。遊客賣魚雙葉

小旗寒。瀟湘潭似日南落。嶽麓已從天外看。

前收百丈。卧聞三老報平安。

馬鞍驛飯罷蹤步

食飽勸輿馬。散策步前岡。意行踏芳草。蕭艾蒼生香。春事甚寂寥。山桃帶松篁。游蜂入菜花。此豈堪蜜房。今年春遲。柘葉分寸長。好晴纔數日。樂事未渠央。

黃龍嶺

薄宦每違已。茲行遂登危。峻坂盤胸立。恍若對鏡鏡。傳半空響。濛濛上烟霏。木末見前驅。可望不可追。有頃身及之。白雲叵攬攬。但覺沾人衣。

月寺少

龍苗新蕩。春禽斷不到。惟有蜀魄啼。
鉏犁山農如木客。上下翻以飛。
室空了無處。恐尚櫓裏棲。
然見
生死安後。路方清夷。

衡水之間。山路艱澁。薄晚吏卒。闕云漸近。所陽。已
平夷。皆有津津之色。

暮入黃泥谷。春江弄花月。歸夢恍在目。
社宇叫高木。凹中泥沒踝。凸處石齧足。

想見肩輿僕。衡陽復祈陽。可暫不可宿。晚來出前岡。路
坦亭疾促。將士走相賀。喜色如膏沐。人生本無悶。逆境要
先熟。不從憂患來。安識不為福。夷途不常遇。歷險始知足。

書涪溪中興碑後 并序

乾道癸巳春三月。余自西掖出守桂林。九日渡湘江。

涪溪摩娑中興石刻。洎唐元和至今。遊客所題。竊謂四
詩各有定體。頌者美盛德之形容。以其成功告于神明
者也。商周魯之遺篇。可以槩見。今元子乃以魯史筆法。
婉辭含譏。蓋之而章。而後來詞人。復發露之。則夫磨崖
之碑。乃一罪案。何頌之有。竊以五十六字刻之石傍。與
來者共商略之。此
相詬病者。謂不合題破
次山此亦習
越拘孿之見耳。余義誼詞直
不暇卹也。

丰容寧有刺譏辭。絕憐元子春秋。

清廟詩歌詠當諸琴樽。策書自管鑿純鏡。

筆剛題破從此磨崖不是碑。

宿清湘城外田家

石湖詩錄

驅馬力猶強。奏牀身始疲。淨淨雲拂帳。瀟瀟水鳴壺。未幾
燈前夢。閒尋道上詩。相中多夜雨。客枕最先知。

次韻郭季勇機宜雪觀席上留別

絕勝尊前萬事休。縱非吾土且登樓。山迎雨脚俄過屋。
約江聲欲倒流。野水新堪添酒面。夕陽依舊滿簾鉤。凭欄
從此遲歸鞅。能及中秋對月不。

次韻許季韶通判雪觀席上

把酒臨風瑞露傾。瓊漿何用謝雲英。捲簾雨脚銀絲挂。倚
杖江頭綠漲生。嶺海一涼蘇暑病。山林千籟試秋聲。茲
奇絕忘羈宦。慚愧烟中短棹橫。

送周直天教授歸永嘉

青燈相對話儒酸。老去羈遊自鮮歡。昨夜樽俎三寸雪。
朝桂嶺十分寒。知心海內向來少。解手天涯良相難。一
不須論聚散。少焉吾亦跨征鞍。

贈趙廉州

馬羣雜踏草蒙茸。刮目權奇一洗空。天末也。到歲
寒聊得酒尊同。梅花夜夜湘南雨。榕葉年年。北風少待
佳晴看山去。玉簪高插翠雲叢。

食罷書事

甲子霖泔雨。東南濕鬣風。荔枝梅子綠。萱萼杏花紅。捫腹
蠻茶快。扶頭老酒中。荒隅經歲客。土俗漸相同。

次韻平江韓子師侍郎見寄三首

自古四愁湘水深。誰將城郭落山林。有情碧嶂團欒繞。無
數朱樓縹緲臨。蚺鼓揭天驚客座。象蓋航海厭蠻琛。三千

客路長安遠。故舊書來直萬金。

霧泉杖屨浙江頭。經濟長懷尚典州。堂上讀書朝氣爽。臺

前呼月海光浮。交情尺素勤雙鯉。筆力枯松挽萬牛。已把

三章翻樂府。為君擊節變蠻謳。

前年衝雪過雙溪。風帽泥韉騎吹隨。爛醉依前逢錦瑟。好

音誰是欠黃鸝。功名未試玉墀班。離別頻傾金屈卮。疇昔

北征煩吉夢。南征合有夢征時。

水鄉酌別但能之。主管能之將過石康。

南郭河橋市井喧。綠荷香處有江天。一簾梅雨鑪煙外。三

疊陽關燭淚前。馬耳西山君並海。船頭北渚我歸田。後期

直恐參商似。且醉金槽四十絃。

燕堂書事

歲稔齋鈴闕。年深屋暨摧。狸爭雷瓦過。蟻化雨窓來。盡日

風長籟。無時地不梅。耳邊情話少。笑口若為開。

酒邊二絕

團扇香中嫋嫋風。斷腸聲裏看羞紅。不須過處催乾盞。聽

徹歌頭盞自空。

日長綉倦酒紅潮。閒束羅巾理六幺。新樣築毬花十八。可

寧小玉謾吹簫。

甘雨應祈三首

晚稻成苞未肯肥。鷓鴣啼曉雨來時。黃紬被冷初眠覺。先

向芭蕉葉上知。

秋日雖蒙露霽沾。范塵終恨太廉纖。今朝健起巡簷看。恰

似廬山看水簾。

五湖詩步

三十一

高田一雨免飛埃。上水網罟亦可催。說與東江津吏道。打
量今晚漲痕來。

畫工季友直爲余作水天桂海二圖。水天畫使北一
渡黃河時。桂海畫佛子遊巖道中也。戲題。

許國無功浪着鞭。天教飽識漢山川。酒邊蠻舞花低帽。夢
裏胡笳雪沒韉。收拾桑榆身老矣。追隨萍梗意茫然。明朝
重上歸田奏。更放岷山萬里船。

甲午除夜猶在桂林。念至一弟使。今夕當宿燕山
會同館兄弟。南北萬里感悵成詩。

把酒新年一笑非。鵲鴿原上巧相違。墨濃雲瘴我猶住。席
大雪花君未歸。萬里關山燈自照。五更風雨夢如飛。別離
南北人誰免。似此別離人亦稀。

乙未元日用前韻書懷。今年五十矣。

浮生四十九。俱非樓上行。藏與願違。縱有百年。今過半。別
無三策。但當歸。定中久已安心竟。飽外何須食肉飛。若獲
一丘并一壑。還鄉曲調盡依稀。

再用前韻時被命帥蜀

休論今昨總皆非。世味誠甘與我違。蜀道雖如履平地。杜
鵑終勸不如歸。三冬自若生毛穎。一夢微官陪蠹飛。夜入
南枝翻倦鵲。芒芒月白衆星稀。

施元光在崑山病中遠寄次韻答之

四海飄蓬客舍邊。幾多雲水與風煙。絕無旅力驅長轡。空
有孤忠誓大川。參井忽隨征馬上。斗牛應挂故山前。親交
情話如何許。詩到天涯喜欲顛。

鐘黃

導江自海陽。至縣迺瀾。狂瀾既奔傾。中流遇鐘黃。分爲兩道開。東灘北湘水。至今舟楫利。楚粵經萬里。人謀敘天造。史祿所經始。無謂秦無人。虎鼠用否耳。紫藤纏老蒼。白石溜清泚。是間可作社。牲酒百世祀。修慶者誰歟。配以臨川李。

清湘縣郊外雜花盛開有懷石湖

午行清湘縣。妍暖春事嘉。柴關鬧桃李。冥冥一川花。故園豈少此。愈此百倍加。我寧不念歸。顧作朱木鴉。百年北窓涼。安用天一涯。君恩重喬嶽。敢計征路賒。鄉心與官身。繫柄方聲牙。橘柚走珍貢。何如繫匏瓜。明當復露奏。天日臨幽遐。倘許清河使。曳尾還汗邪。

珠塘

林茂鳥鳥急。坡長驢。坐輿猶足痺。負笈想肩頰。廢廟藤遮合。危橋竹織成。路傍行役苦。隨處有柴荆。

題湘山大施堂

重倚春林淚竹枝。南巖風物鬢成絲。難尋桂海千峰夢。更了湘山一段奇。來去別無心外法。行藏休問塔中師。若論大施門前事。竿木遊場且賦詩。

浚溪舖中二絕追路寄呈元將仲顯二使君

賀州歸去柳州還。分路千山與萬山。把酒故人都別盡。今朝真箇出陽關。
祗有南風捲路塵。斷無南客送車輪。故人合在瀟湘見。却見瀟湘別故人。

湘口夜泊南去零陵十里矣營水來自營道過零陵
下湘水自桂林之海陽至此與營會合爲一江
我從清湘發源來直送湘流入營水故人亭前合江處暮
夜檣竿矗沙尾卻從湘口望湘南城郭山川恍難紀萬壑
千巖詩不徧惟有蒼苔痕屐齒三年瘴霧亦奇絕浮世登
臨如此幾湖南山色夾江來無復瑤簪挿天起陂陀狼石
蹲清漲淡蕩光風浮白芷騷人魂散若爲招傷心極目春
千里我亦江南轉蓬客白鳥愁煙息故壘遠遊雖好不如
歸一聲鷓鴣花如洗

題嶽麓道卿臺

山外江水黃江外滿城綠城外杳無際天低到平陸長煙
貫楚尾遠勢帶吳蜀故園東北望遊子懶干曲

連日風作洞庭不可渡出赤沙河

金沙堆前風未平赤沙河邊波不驚客行但逐安穩去三
十六灣漲痕生滄洲寒食春亦到荻芽淡碧萋芽青汨羅
水飽動荆渚嶽麓雨來昏洞庭大荒無依飛鳥絕天地惟
有孤舟行慷慨悲歌續楚些彷彿幽瑟迎湘霧黃昏慘淡
議極浦雖有漁舍無人聲冬湖落濡此暫住春潦怒漲隨
傭耕吾生一葉寄萬里况復搖落浮滄溟漁蠻尚自有常
處羈宦方汝尤

泊衡州

客裏仍哦對雨吟夜寒星月曉還陰空江十日無春事船
到衡陽柳色深

步入衡山

應有人家住隔溪。綠陰亭午但聞鷄。松根當路龍筋瘦。竹
筍滿山鳳尾齊。墨染安雲猶似瘴。絲來小雨不成泥。更無
騎吹喧相逐。散誕間身信馬蹄。

四明人董巖久居嶽市乞詩

祝融峰下兩逢春。雨宿風飡老病身。莫笑五湖萍梗客。海
邊亦有未歸人。

鼎湖

漂泊離巢燕。彎跼負殼蝸。瘦嫌莞席硬。老覺畫屏奢。報道
帆當落。傳呼鼓已撾。且投人處宿。未到已聞慕。

安鄉縣西晚泊

水澗鳥鳥倦。墟寒僮僕飢。一灣村縣過。百折暮江遲。曉夢
孤燈見。春陰病骨知。簡書寧不長。旅力奈先疲。

孫黃渡

捨舟從陸更開關。徑仄仍荒亦未乾。棘刺近人牢閉眼。泥
塗兀馬緊扶鞍。茶山盜藪路程惡。麥隴人家懷抱寬。擔僕
輿夫盡劬瘁。病翁那得更加餐。

發荊州

初上蓬籠竹竿船。始知身是劔南官。沙頭沽酒市樓暖。徑
步買薪江墅寒。自古秦吳稱絕國。于今歸峽有名灘。千山
萬水垂垂老。只欠天西蜀道難。

虎牙灘

傾崖溜雨色。慘淡水墨畫。辛夷碎花懸。槐木老藤挂。翠莽
楚甸窮。黃流蜀江下。一灘今始嘗。三峽此其亞。雨燕鼓士
摻雲騰。挽夫跨驚心。度石林。破眼見村舍。牛眠草色裏。犬

吠竹林罇步頭可穩船安穩睡殘夜

初入峽山效孟東野

峽山偏而峻。峽水湍以礫。峽草如毯毛。峽樹多樛枝。峽禽
惟杜鵑。血吻日夜啼。峽馬類黃狗。不能長鳴嘶。峽曉虎跡
多。峽暮人跡稀。峽路如登天。猿鶴不能梯。僕夫負嘔哭。我
亦呻吟悲。悲吟不成章。聊賡峽哀詩。

蛇倒退

山前壁如削。山後崖復斷。向吾達隴首。如海到彼岸。那知
下嶺處。慄甚履冰戰。牽前帶相挽。縮後衣盡綻。健倒斃尋
丈。徐行塵分寸。上疑綠竹竿。下劇滾金彈。豈惟蛇退舍。飛
鳥望崖反。稍喜一徑平。猶有千石亂。仍逢五燒畝。約略似
耕畔。心知人境近。懼未百憂散。山民茅數把。鬼質犢子。腰
鑊走迎客。再拜復三嘆。謂匪人所誤。官來定何幹。倘爲
飢火驅。平地豈無飯。意者官事迫。如馬就羈絆。我乃不能
答。付以一笑粲。

大了隘

峽行五程無聚落。馬頭今日逢耕鑿。麥苗疎。豆苗稀。椒
葉尖。新柘葉薄。家家婦女布纏頭。背負小兒領垂瘤。山深
生理卻不乏。人有銀釵一雙插。

麻線堆

峽日驛前大山崛起舊路攀援而上。縈紆如線。十五年
前。浮圖德寶始沿澗伐木作新路。不復登山。余觀峽路
者。未嘗經修。感德寶之事。作麻線堆詩一首。以風夔路
使者。及歸峽。二州長吏沈葉管熊四君。

雲不疊。胃起鬱峨一峰危。上有路千折。纏縷如縈絲。是爲
麻線堆。厥險天下稀。偃仄容半足。顛墜寧復稽。騰霖尚愁
苦。遊子將安之。浮屠德寶者。悲智緒等慈。隨山刊古木。諒
豁得長磯。輿梁捷飛度。布石綿階梯。自從新路改。重趼無
齋咨。縣有孫少府。琬琰劇文詞。勿云此事小。惟有行人知。
况觀峽山。路由來欠平。治官吏既弗跡。誰宜深長思。天險
固自若。當今路成蹊。土工運畚鍤。石工操鑿椎。烈火敗礮
礮。築沙填隙熾。多用百夫力。遠無五旬期。但冀米鹽給。不
煩金幣支。非客敢竊議。道旁詢旋倪。身雖雪山戍。亦願助
毫釐。工費嗟小哉。政須賢有司。東有管夷陵。西有葉秣歸。
上維沈隱侯。夔臺今吏師。下維熊繹孫。長材佐州麾。豈吾
金闥彥。不如林下繡。懸知議克合。了此一段奇。舟楫避橫
潦。置郵疾飛馳。憧憧吳蜀客。來往當無時。仍磨鑽天石。大
書四賢詩。不佞願秉筆。遠繼峽口碑。

判命坡

鑽天嶺上已飛魂。判命坡前更駭聞。側足二分垂瓊磴。舉
頭一握到孤雲。微生敢列千金子。後禍猶幾萬石君。早晚
北窗尋噩夢。故應含笑老榆枌。

千石嶺

晨光挂高嶺。晴色媚遠客。哀湍吼叢薄。宿霧裊絕壁。露重
鮮花紫。風來蓬背白。迷山朴渥跳。飲澗於菟迹。層巔多朽
木。連磴有飛石。不知山幾重。杳杳入叢碧。

四十八盤

詰曲不前如宦拙。欹傾當面似交難。若將世路比山路。世

路更多千萬盤

入梯歸界

山根繫馬得漿家。架入窮鄉事可嗟。蚯蚓崇人能作瘴。茶
莫隨俗強煎茶。幽禽不見但聞語。野草無名都著花。窈窕
崎嶇殊未艾。去程方始問三巴。

歸州竹枝歌二首

東鄰男兒得湘纍。西舍女兒生漢江。城郭如村莫相笑。人
家代閭似渠稀。

東岸艤船拋石門。西山炊煙連白雲。竹籬茅舍作晚市。青
蓋黃旗稱使君。

巴東峽口

水宿頰欹側。徒行又險艱。舟危神女。馬瘦鬼門關。照夜

燒畚隴。綠雲種斧山。催成頭雪白。休說鬢絲斑。

初入巫峽

鑽火巴東岸。縱金峽口船。東江崖欲合。漱石水多漩。卓午
三竿日。中間一罅天。偉哉神禹跡。疏鑿此山川。

巫山高 并序

余舊嘗用韓无咎韻題陳季陵巫山圖。考宋玉賦意。辨
高堂之事甚詳。今過陽臺之下。復賦樂府一首。世傳瑤
姬為西王母女。嘗佐禹治水。廟中石刻在焉。

濕雲不收煙雨霏。峽船作灘稍廟磯。杜鵑無聲猿野斷。惟
有飢鴉迎客飛。西真功高佐禹跡。斧鑿鱗皴倚天壁。上有
瑤簪十二尖。下有黃湍三百尺。蔓花蚪木風煙昏。薜蘿翠
帷香火寒。霧旂飄忽定何許。時有行人開廟門。楚客詞章

元是諷紛紛餘子空嘲弄玉色頰頰不可干人間錯說高唐夢

刺瀆淖并序

瀆淖盤渦之大者。峽江水壯則有之。或大如一間屋。相傳水行峽底。遇暗石則瀆起。已而下旋爲窩。然亦未嘗有定處。或無故突然。而作叵測也。舟行遇之。小則欹傾。大則與齋俱入。險惡之名聞天下。

峽江饒暗石。水狀日千變。不愁灘瀧來。但畏瀆淖見。人言盤渦耳。夷險固有間。仍于非時作。未可一理貫。安行方熨。穀無事。忽翻練。突如湯鼎沸。翕作茶磨旋。勢迫中成窪。怒霽外始暈。已定稍安尉。儵作更驚眩。漂漂浮沫起。疑有潛鯨。翼勃勃駭浪騰。復恐蠶齧并。篙師膝視魄。灘戶呀雨汗。逡巡怯大敵。勇往決塵戰。幸免與齊入。還憂似蓬轉。驚呼招竿折。奔救竹竿斷。九死船頭爭。萬苦石上牽。旁觀競薄水。撇過捷飛電。前余叱馭來。山險固嘗徧。今者擊楫誓。豈復憚波面。澎澎三峽長。颭颭一葦亂。旣微掬指忙。又匪科頭漫。天子賜之履。江神敢吾玩。但催疊鼓轟。往助雙擄健。

嘲峽石并序

峽山江濱亂石萬狀。極其醜怪。不可形容。舉非世間諸所有。石之比。走筆戲題。且以紀異。

峽山很無情。其下多醜石。頑質賈憎垂。傀狀發笑啞。粗類墳壤黃。沈瀆鐵矢黑。或如溝泥宛。或似東壁圻。堆疑聚廩粟。侈若壞城甃。槎牙鏤朽木。狼籍委枯骨。礪柯包羸蚌。淋漓錮鉛錫。縱紋瓦溝隴。橫疊衣摺襞。鱗皴斧鑿餘。炊宿蹴

踏力云何清淑氣。孕此譎詭跡。我本一丘貉。嗜石舊成癖。
端溪紫琳腴。洮河綠沉色。階冊截肪膩。泗磬鳴球擊。嵌空
太湖底。偶立韶江側。真陽刻千巖。營道剜寸碧。倦遊所聞
多。未易一二籍。竭來茲山下。刺眼昔未覲。或云峽多材。奇
秀鬱以積。絕代昭君村。驚世屈原宅。東家兩兒女。氣足豪
萬國。山石何重輕。奚暇更融液。我亦味其言。作詩曉行客。

勞畬耕并序

畬田峽中刀耕火種之地也。春初斫山聚木盡蹶。至當
種時。伺有雨候。則前一夕火之。藉其灰以糞。明日雨作。
乘熱土下種。卽苗盛。倍收。無雨反是。山多磽确。地方力
薄。則一再斫燒。始可藝。春耕麥豆餅餌。以度夏秋。則粟
熟矣。官輸甚微。巫山民以收粟三百斛爲率。財用三四

斛了。二稅食三物。以終年。雖平生不識秬稻。而未嘗苦
饑。余因記吳中號多嘉穀。而公私之輸。顧重。田家得粒
食者無幾。峽農之不若也。詩以勞之。

峽農生甚艱。斫畬大山巔。赤植無土膏。三刀財一田。顧其
穴居智。占雨先燎原。雨來亟下種。不爾生不蕃。麥穗黃剪
剪。豆苗綠芊芊。餅餌了長夏。更遲秋粟繁。稅畝不什一。遺
棄得饜餐。何曾識秬稻。捫腹常果然。我知吳農事。請爲峽
農言。吳田黑壤腴。吳米玉粒鮮。長腰瓠犀瘦。齊頭珠顆圓。
紅蓮勝彫胡。香子馥馥蘭。或收虞舜餘。或自占城傳。早秬
與晚穞。爛炊甌甌間。長腰米狹長亦名箭子齊頭白圓淨
如珠紅蓮色微赤香子亦名九里香
斗米入數合作飯芳香滿案舜王稻魚頭無須俗爲魯腹
燒種以與之占城種來自海南穞種禾價最賤以上皆
吳中米不辭春養禾。但畏秋輸官。姦吏大雀鼠。盜胥衆螟

螺掠刺增釜區。取贏折緡錢。兩種致一解。未免催租癡。重以私債迫。逃屋無炊烟。晶晶雲子飯。生世不下咽。食者定游手。種者長流涎。不如峽農飽。豆麥終殘年。

巫山縣自此復登陸至夔門縣前掉石灘最險登岸以過舟謂之盤灘城樓對高唐門此去瞿塘不百里縣人以郭西流石灘為水信流石沒則斷類如馬矣

借馬巫山縣。盤舟掉石灘。梅肥朝雨細。茶老暮烟寒。門對高唐起。江從灩澦難。流堆三尺在。旅夢一枝安。

燕子坡

大山如牆缺。小山如塚壘。眾山直下看。方知此峰危。水末見夔峽。一溝益春泥。中有天下嶮。造化真兒嬉。峰頂不瀟笑。舟中鬚成絲。登高尚超覽。况乃絕俗姿。

夔州竹枝歌九首

五月五日嵐氣開。南門競船爭看來。雲安酒濃麴米賤。家家扶得醉人迴。

赤甲白鹽碧叢叢。半山人家草木風。榴花滿山紅似火。荔枝天涼未肯紅。

新城果園連襄西。枇杷壓枝杏子肥。半青半黃朝出賣。日午買鹽沽酒歸。

瘦婦趁墟城裏來。十五五市南街行人莫笑女粗醜。兒郎自與買銀釵。

白頭老媪簪紅花。黑頭女娘三髻丫。背上兒眠上山去。採桑已閒當採茶。

百衲畚山青間紅。粟莖成穗豆成叢。東平屯田秔米軟。不到貧人飯甕中。

白帝廟前無舊城。荒山野草古今情。只餘峽口一堆石。恰似人心未肯平。
灩澦如樸瞿塘滾。魚復陣圖江水心。大昌鹽船出巫峽。十日泝流無信音。
當筵女兒歌竹枝。一聲三疊客忘歸。萬里江邊有船到。繡羅衣服生光輝。

雲安縣

春暮子規少。日斜紅鵲飛。兩山多布水。一島幾柴扉。蚬吐無窮壞。人行不斷磯。巴陽昨夜雨。灘上水先肥。
杜子美詩云。涪萬無杜鵑。雲安詩云。終日子規啼。今萬州界固不聞杜鵑。而雲安已自少矣。紅鵲飛時。滿背純赤。或云。即黃鵠也。峽中蚯蚓之盛。無如雲安。江濱漬壤。取最無際。又多。大石岸有一石。長里許者。杜子美詩云。禹功多斷石。其實甚長。兩山間雨後。瀑泉數十百處。尤可觀。

萬州

晨炊維下巖。晚酌橫南浦。波心照州榜。雲脚響衙鼓。前山如屏牆。得得正當戶。西江朝宗來。循屏復東去。
此萬州形勢也。惟親歷者當知。此言之工。官曹倚巖棲。市井喚船渡。瓦屋仄石磴。猿啼關人語。別核杏餘酸。連枝茶賸苦。窮鄉固瘠薄。陋俗亦寒窶。土人賣杏。皆先剔其核。取仁以爲藥。也。土茶甚苦。不簡枝葉。雜菜黃煎之。營營謀食艱。寂寂懷甄訴。昔聞吏隱名。今識吏隱處。

峰門嶺遇雨泊梁山

窮鄉誰與話悲酸。駐馬看雲強自寬。酒力無端妨宿病。詩情不淺任塵官。虎狼地僻炊煙晚。風雨天低夏木寒。行盡峰門千萬丈。梁山鼓角報平安。

那邠驛大雨

暮雨連朝雨。長亭又短亭。今朝騎馬怕。平日繫船聽。竹葉垂頭碧。秧苗滿意青。農疇方可望。客路敢違寧。

墊江縣

青泥沒髀僕頻驚。黃漲平橋馬不行。舊雨雲招新雨至。高田水入下田鳴。百年心事終懷土。一日身謀且望晴。休入中州爭米市。暝鴉同宿墊江城。

巾子山又雨

百日籃輿困踟躕。三晨沈坂兀躋攀。晚晴幸自墊江縣。今雨奈何巾子山。樹色于人殊漠漠。雲容憐我稍班班。如今只憶雪溪句。乘興而來興盡還。

鄰山縣

山頂虛雲黑似煙。修篁高柳共昏然。鳥啼一夜勸歸去。誰

道東川無杜鵑

沒水舖晚晴。月出曉復大雨上。漏下濕不堪其憂。

晚色熹微暖似薰。兒童歡喜走相聞。無端星月照濕土。依

舊山川生雨雲。吳諺曰。星月照濕土。明朝依舊雨。蓋雨後微晴。星月燦然。必復雨。占之每驗。旅

枕夢寒泚屋漏。征衫朝潤冷鑪熏。快晴信是行人願。又恐

田家暴背耘。

金山嶺

阪峻身頻偃。崖深首屢回。雲浮平地出。路拂半天來。但閱

關山過。都忘歲月催。湘南初上馬。猶插早春梅。

明日至鄰水又雨

昨日方無雨。今朝又不晴。滿山皆展齒。隨處有泉聲。頗怪陰霖差。應催老病成。泥塗千騎士。與我共勞生。

望鄉臺

千山已盡一峰孤。立馬行人莫疾驅。從此蜀川平似掌。更無高處望東吳。

早晴發廣安軍晚宿萍池村莊

夜雨洗煩蒸。曉風薦清穆。雲頭墮鐵山。日脚迸金瀑。暑冷一日涼。遠客萬事足。羈人正奔波。觀者何陸續。翠蓋立巖。粧青裙。行跣足。俗陋介南徼。物華入東蜀。竹萌苦已青。藟子酸猶綠。修蘆密成籬。直栢森似纛。泥乾馬蹄鬆。路坦亭堠速。暮投何人莊。窓戶暗修竹。

巴蜀人好食生蒜。臭不可近。頃在嶠南。其人好食楮

榔。合蠟。灰扶留。藤一名薯。藤食之輒昏然。已而醒

快。三物合和。唾如膿血。可厭。今來蜀道。又為食蒜。

者所薰戲題

旅食譜殊俗。堆盤駭異聞。南食灰薦蠟。巴饌菜先葷。幸脫蔓藤醉。還遭葫蒜薰。絲蓴鄉味好。歸夢水連雲。

小溪縣

麥千平壠橫。槎一小溪。梓花紅綻碎。粟穗綠垂低。村婦猶多踈。山猿遂少啼。東州雖已過。錦里尚雲西。

曉發飛鳥晨霞滿天少頃大雨吳諺云朝霞不出門

暮霞行千里驗之信然戲紀其事

朝霞不出門。暮霞行千里。今晨日未出。曉氣散如綺。心疑雨再作。眼轉雲四起。我豈知天道。吳農諺云耳。古來占霧。雉說者。頰恢說。飛雲走羣羊。停雲浴三豸。月當天畢宿。風自少女起。燭石燒成香。汗礎潤如洗。遂婦鳩能拙。穴居狸

有智。蜉蝣強知時。商羊與聞計。埳鳴東山鶴。堂審南柯蟻。或加陰石鞭。或議陽門閉。或云逢庚變。或自換甲始。刑鵝與象龍。聚訟非一理。不如老農諺。響應捷如鬼。哦詩敢夸博。聊用醒午睡。

九月十九日衙散回雷火將及幕屬飲清心堂觀晚

菊分韻

甲光射曾雲。雨脚不敢到。西山明古雪。秋日一竿照。先偏井絡密。後拒參旗掉。分弓商博平。鳴劍伊吾小。君看天山箭。狐兔何足了。開邊吾豈敢。自治有餘巧。歸來翠帷卷。聊共黃花笑。雖無落帽風。亦復接離倒。餘閒校筆陣。刻燭龍蛇掃。毛錐乃更剪。我亦鼓旗譟。

冬至日銅壺閣落成

走徧人間行路難。異鄉風物雜悲歡。三年北戶梅邊暖。萬里西樓雪外寒。已辦鬢霜供歲籥。仍拚髀肉了征鞍。故園雲物知何似。試上東樓且北看。

十二月十八日海雲賞山茶

追趁新晴管物華。馬蹄鬆快帽簷斜。天南臘盡風晞雪。冰下春來水漱沙。已報主林催市柳。仍從掌故問山茶。豐年自是驪聲沸。更著牙前畫鼓撾。

雨後東郭排岸司申梅開方及三分戲書小絕令一

面開燕

雨入南枝玉蘂綻。合江雲冷凍芳塵。司花好事相邀勒。不著笙歌不肖春。

鞭春微雨

勝絲絲雨。笙歌步步塵。一年新樂事。萬里未歸人。雲薄
竟怪雪。酒濃先受春。送寒東作近。慚愧耦耕身。

丙申元日安福寺禮塔

士女燃香挂幡。以禳兵火之灾。

發梅蜀柳笑人忙。歲歲椒盤各異方。耳畔逢人無魯語。蜀

飲醉酥酒故事先。燃宰堵香石笋新街好行樂。與民同處

且逢場。

初四日東郊觀麥苗

去歲秋霖麥下遲。臘殘一雪潤無泥。相將飽喫滹沱飯。來

聽林間快活啼。

櫻桃花

借暖衝寒不用媒。勻朱勻粉最先來。玉梅一見憐衰小。

向傍邊自在開。

再出東郊

晚景增年慣。官身作客諳。大都緣偶熟。豈是性能堪。昔者

開三徑。它時老一龕。越溪親種竹。芸綠想毵毵。

上巳前一日學射山萬歲池故事

北郊征路記前迴。三尺驚塵馬踏開。新漲忽明多病眼。好

風如把及時杯。青黃麥隴平平去。疎密楹林整整來。遊騎

不知都幾許。長堤十里轉輕雷。

寶相花

誰把桑條夾砌栽。壓枝萬朶一時開。為君也著詩收拾。題

作西樓錦被堆。

四月十日出郊

約東南風徹曉忙。收雲捲雨一川涼。漲江混混無聲綠。燕麥騷騷有意黃。吏卒遠時閒信馬。田園佳處忽思鄉。鄰翁萬里應相念。春晚不歸同插秧。

曉詣三井觀

路轉市聲遠。寬開古城東。適從紅塵來。忽入蒼煙叢。樵心傾濃露。芋葉翻微風。秋陽澹籬落。殘暑不必攻。野老熱睡起。日高首如蓬。官身騎官馬。君應笑龍鍾。

秋雨快晴靜勝堂席上

一笑僮僮雁鷺行。簿書堆裏賦秋陽。心如墜絮沾泥懶。身似飛泉激石忙。雨後蹲鴟先稻熟。霜前浮蟻鬪棖香。天涯節物遞愁眼。且復隨鄉便入鄉。

新涼夜坐

吏退焚香百慮空。靜聞蟲響度簾櫳。江頭一尺稻花雨。窓外三更葉葉風。日日老添明鏡裏。家家涼入短檠中。蒲鞵燈火平生事。雪白眇昏奈此翁。

秋老四境雨已沛然晚坐籌邊樓方議祈晴樓下忽有東界農民數十人訴山田卻要雨須長吏致禱

感之作詩

歲晚羈懷有所思。秋來病骨最先知。鏡中公案已甘老。紙上課程休諱癡。西堰頗聞江漲急。東山猶說雨來遲。錦城樂事知多少。憂旱憂霖蹙盡眉。

有懷石湖舊隱

浩蕩沙鷗久倦飛。摧頹樞馬不勝騷。官中風月常虛度。夢

石湖詩鈔 四十一
裏關山或暫歸。橋社十年霜欲飽。鱸江一雨冰應肥。冷雲
著地塘蒲晚。誰爲披袞暖釣磯。

晚步宣華舊苑

喬木如山廢苑西。古溝疎水靜鳴池。吏兵憲察番更後。僕
閣雀窺欲暝時。有露冷螢猶照草。無風驚雀自遷枝。歸來
更了塵書債。目青昏花獨穗垂。

西樓秋晚

樓前處處長秋苔。倦仰璿杓又欲回。殘暑已隨梁燕去。小
春應爲海棠來。客愁天遠詩無託。吏案山橫睡有媒。晴日
滿窓鳧鷖散。巴童來按鳴爐灰。

明日分弓亭按閣再用西樓韻

眼看白露照蒼苔。歲月飛流首屢回。老去讀書遺忘卻。
中得句若飛來。聞鷄午夜猶能舞。射雉西郊不用媒。自嘆
支離聊復爾。丹心元未十分灰。

丁酉重九藥市呈座客

余于燕山首句云。萬里漢家使。桂林云萬里。漢都護。成
都云萬里橋邊客。今歲倦游賦。此自戲。

莫向登臨怨落暉。自緣羈官阻歸期。年來厭把三邊酒。此
去休哦萬里詩。烏帽不辭歌短髮。黃花終是欠東籬。若無
合坐揮毫健。誰解西風楚客悲。

十一月十日海雲賞山茶

門戶謹呼十里村。臘前風物已知春。兩年池上經行處。萬
里天邊未去人。客鬢花身俱歲晚。粧光酒色且時新。海雲
橋下溪如鏡。休把冠巾照路塵。

二月一十七日病後始能扶頭

複幕重簾苦見遮。暮占棲雀曉占鴉。殘燈煮藥看成老。細雨鳴鳩過盡花。心爲早衰元自化。髮從無病已先華。更蒙厲鬼相提唱。此去山林屬當家。

病中聞西園新花已茂及竹筴皆成而海棠亦未過梅場桃蹊斫竹初三旬高卧信音疎。春雖與病無交涉。雨莫將花便破除。祇合蘧蘧隨夢去。何須咄咄向空書。頗聞蜀錦猶相待。去歲今朝已雪如。

枕上

一枕經春似宿酲。三衾投曉尚殘清。殘更未盡鴉先起。虛憊無聲鼠自驚。久病厭聞銅鼎沸。不眠惟望紙窓明。摧頽豈是功名具。燒藥爐邊過此生。

初履地

扶頭今日強冠簪。餘燼收從百戰酣。長脛閣軀如瘦鶴。衝風奪氣似枯柎。客來慵按懶殘涕。老去寒同彌勒龕。何處更能容結習。任教花雨落毵毵。

病起初見賓僚時上疏丐祠未報

浪將冠服衣猿狙。因病偷閒稍自如。時有好懷誇得句。略無情語怕回書。邊城晏閉休傳箭。村巷春遊未荷鋤。追北良辰公事少。天恩儻許賦歸歟。

三月十九日極冷

誰勒餘寒不放廻。春深猶暖地爐灰。鄉心忽向燈前動。夜雨先從竹裏來。題題已如鶯百轉。醅醅那復雪千堆。調糜煮藥東風老。慚愧茶甌與酒杯。

入崇寧界

桑間三宿尚回頭。何況三年濯錦遊。草草陴筒中酒處。不知身已在彭州。

懷古亭

朝來寫得故人書。雙鯉難尋雁亦無。付與離堆江水去。解從陴縣到成都。

過青城題索橋

以竹繩為之

織簾勾鋪而排繩。強架空梁人高曬。帛獵戶遠張。置薄薄難承雨。翻翻不受風。何時將蜀客。東下看丞虹。

上清宮

歷月棚參典未闌。丹梯通處更躋攀。冥濛蜀道一雲氣。破碎岷山千髻鬟。但覺星辰垂地上。不知風雨滯人間。竭牛兩角渾如夢。更說紛紛觸與蠻。

最高峰望雪山

大面峰頭六月寒。神燈收罷曉雲班。浮空忽湧三銀闕。云是西天雪嶺山。

青城縣何子方便君同年園池

橙。膝。芋。隴。意。中。行。浩。蕩。薰。風。不。計。程。雨。脚。背。人。歸。玉。壘。江。聲。隨。馬。入。青。城。五。橋。今。日。新。知。路。千。佛。當。年。舊。綴。名。水。竹。光。中。同。一。笑。丐。君。荷。露。濯。塵。纓。

次韻陸務觀編修新津遇雨不得登脩覺山徑過眉州三絕

脩覺一望可見劔門

送客多情難語離。僕夫無情車載脂。平生漂泊知何限。少似新津風雨時。

離合紛紛怕遠遊。遠遊仍怕賦登樓。何須一望三千里。望盡西州轉更愁。

雨後暮頤山色開。玻璃江清已可盃。綠荷紅芰香四合。又入芙蓉城裏來。

次韻陸務觀慈姆巖別二絕

送我彌旬未忍回。可憐蕭索把離盃。不辭更宿中巖下。投老餘年豈再來。

明朝真是送行人。從此關山隔故情。道義不磨雙鯉在。蜀江流水貫吳城。

玻璃江一首戲效陸務觀作

玻璃江頭春淥深。別時云云流到今。祇言日遠易排遣。不道相思翻苦心。烏頭可白我可去。萑花易青君易尋。人生若未免離別。不如碌碌無知音。

余與陸務觀自聖政所分袂。每別輒五年。離合又常以六月。似有數者。中巖送別。至揮淚失聲。留此爲贈。

宦塗流轉幾沉浮。雞黍何年共一丘。動輒五年遲遠信。常于三伏話羈愁。月生後夜天應老。淚落中巖水不流。一語相聞仍自解。除書聞已趣刀頭。

萬景樓

山谷來遊時。未有此樓也。

左披九頂雲。右送大峨月。殘山剩水不知數。一一當樓供。

勝絕。玻瓈濯錦遙相通。指麾大度來朝宗。川霧胥命各東去。我亦順流呼短蓬。詩無傑語慙風物。賴有丹青傳小筆。仍添書客倚欄看。今與山川相映發。龍彎歸路遠烏尤。棟雲簾雨邀人畱。若爲喚得涪翁起。題作西南第一樓。

問月堂酌別

半明燈火話悲酸。此會情知後會難。四海宦遊多聚散。一生情事足愁歡。鬢絲今夜不多黑。酒量微明無數寬。醉夢登舟都不記。但聞風雨滿江寒。

別後寄題漢嘉月榭

同年陸務觀所作

隱吏詩情卜築幽。同年惜別勸淹留。試傾萬景湖亭酒。來看半輪江月秋。川路雖長猶共此。夜船空載且歸休。碧巖勝處頻回首。好事誰能更小樓。

峨眉縣

窮鄉未省識旌旄。雞犬驩呼巷陌騷。村媪聚觀行績布。野翁迎拜蹠然蒿。泉清土沃稻芒早。縣古林深槐瘦高。珍重巨儒來獻頌。盛言千載此丘遭。

初入大峨

煙霞沈痼不須醫。此去真同汗漫期。曾欵上清臨大面。仍從太白問峨眉。山中緣法如今熟。世上功名自古癡。賸作畫圖歸挂壁。它年猶欲卧遊之。

八十四盤

冥鴻無伴鶴孤飛。回首塵籠一笑嬉。八十四盤新拄杖。萬千三乘舊牙旗。石梯碧滑雲生後。木葉紅斑雪霽時。說與

同行莫惆悵。人間捷徑轉欲曠。

婆羅平

仙聖飛行此是家。路逢真境但驚訝。神農嘗外盡壽藥。天女散餘多異花。嵐雨逼衣寒似鐵。水泉炊米硬于沙。峰頭事事殊塵世。缺甃跳梁笑井蛙。

思佛亭曉望

栗烈剛風刮病眸。登臨何啻緩千憂。界天暑雪青城外。匝地晴雲瓦屋頭。浩蕩它年誇北客。蒼茫何處認西州。千巖萬壑須尋徧。身是江湖不繫舟。

健爲江樓

河邊堵立看歸篷。三老開頭暮欲東。漲水稠灘連峽內。淺山浮石似湘中。無人驛路榛榛草。有客江樓浩浩風。種落

塵稍少。公事賸裁新語寄詩筒。

縣令能詩者

題譚德稱扇

蠻風吹雨瘴江肥。短草荒山鳥不飛。盡是瀘南腸斷句。如今分與故人歸。

題楊商卿扇

君歸我去兩銷魂。愁滿千山鎖瘴雲。後夜短檠風雨暗。誰能相伴細論文。

發合江數里寄楊商卿諸公

臨分滿意說離愁。草草無言祇淚流。船尾竹林遮縣市。故人猶自立沙頭。

過江津縣。睡熟不暇梢船。

西風扶艖似乘槎。水闊難沉浪不花。夢裏竹間喧急雪。覺

來船底袞鳴沙

涪州江險不可泊入黔江機舟

黃沙翻浪交排亭。漬淖百尺呀成坑。坳窪眩轉久乃平。一
渦熨帖千渦生。篙師絕叫毆川靈。鳴鑿飛渡如奔霆。水從
岷來如瀾溼。夜榜點江聊濯纓。玻璃徹底鏡面平。忽思短
棹中流橫。釣絲隨風浮月明。

妃子園

涪陵荔子天寶所貢

露葉風枝驛騎傳。華清天上一嫣然。當時若識陳家紫。何
處蠻村更有園。

下巖

嘗昔中巖一夢殘。下巖風景亦高寒。峽中無處堪停棹。雨
後今朝始凭欄。不用苦求毫相現。祇教長挂水簾看。山僧
勸我題蒼壁。坡谷前頭未敢刊。

夔門卽事

夔水不可飲取之卧龍十里之外
峽行風物不堪論。伴暑驕陽雜瘴氛。人入恭南多附贅。山
從夔子盡侵雲。竹枝舊曲元無調。麴米新芻但有聞。試覓
清冷一杯水。筒泉須自卧龍分。

瞿唐行

七月十九日至夔子灘。瀕徹髮不可犯。是夜水漲及山
腹。詰旦視灘瀨。則已在水中。土人云。此青草齊也。可以
冒險而入。遂鼓棹略其頂而過。郡中遣候兵立山上。每
一舟平安。則搖幟以召。後舟白鹽赤甲。皆峽口大山。黃

嵌黑石皆峽中至險處入峽西岸有聖泉舟人或向之
疾呼曰人渴也泉卽迸下杯許復乾余舟過甚急未之
試也

川霧知我歸有程一夜漲痕千丈生中流擊楫洶作氣夾
峰旗鼓呀失聲不知灑灑在船底但覺瞿唐如鏡平盤峽
疏川很石破號山索飲飛泉驚自鹽赤甲轉頭失黑石黃
嵌拚命輕草齊增肥無泊處竹枝凝葉空餘情人間險路
此奇絕客裏驚心吾飽更劔閣翻成蜀道易請歌范子瞿
唐行

鄂州南樓

誰將玉笛弄中秋黃鶴飛來識舊遊漢樹有情橫北洛蜀
江無語抱南樓燭天燈火三更市搖月旌旗萬里舟卻笑
江垂釣手武昌魚好便沈留

游根夾

辛苦凌波棹平安入夾船月明漁浦網風側瓦窰煙老圃
客挑菜村巫橫索錢且投入處宿終夜得佳眠

將至吳中親舊都來相迓感懷有作

望見家山意欲飛古來燕晉一沾衣回息客路豈非夢乍
聽鄉音真是歸新事略從年少問故人差覺坐中稀不須
更說桑榆暖霜後鱸魚也自肥

淳熙五年四月二日直宿玉堂懷舊二絕句

桂海水天老歲華直廬重上玉皇家當年曾識青青鬢惟
有東牆一架花

雪山刁斗不停搗夜把軍書敢顧家珍重玉堂今夜夢靜

閨宮漏隔宮花

初歸石湖

曉霧朝暎紺碧烘。橫塘西岸越城東。行人半出稻花上。宿
鷺孤明菱葉中。信脚自能知舊路。驚心時復認鄰翁。當時
手種斜橋柳。無限鳴蜩翠掃空。

贈舉書記歸雲山

一枕清風四十霜。孤生無處話淒涼。相看只有龐眉客。還
在雲丘舊草堂。
四股澗松震斧碎。十圍巖桂燒痕枯。不知階下跳珠處。舊
竹春來有笋無。
青山面目想孤依。水石風林入夢思。白髮蒼顏心故在。只
如當日看山時。

題查山林氏庵

庭戶清深宅翠微。雲如佳壁喚題詩。煙梢矗矗青圍屋。露
葉鮮鮮綠滿籬。宿雨一春纔泥鴨。平蕪幾日已藏碑。山僧
見客如枯木。疑是嬾殘南嶽師。

木瀆道中風雨震雷大作

惡風奔雲何壯哉。溪水欲立山欲摧。石岸迸裂纜邊樹。胡
牀動搖船底雷。靈巖塔後雨脚挂。胥口廟前浪花來。篷漏
衣沾不足惜。酒瓶傾側愁空罍。

光福塘上

指點炊烟隔莽蒼。午餐應可寄前莊。鷄聲人語小家樂。木
葉草花深巷香。春去已空衣尚絮。雨來何晚稻初茫。秣今
農事村村急。第一先陂貯水塘。

秋前風雨頓涼

秋期如約不須催。雨脚風聲兩快哉。但得暑光如寇退，不辭老景似潮來。酒杯觸撥詩情動，書卷招邀病眼開。明日更涼吾已卜，暮雲橫作亂峰堆。

曉起聞雨

老年稍喜睡魔清，兀坐枯株聽五更。蕭索輪囷憐燭燼，飛揚跋扈厭蚊聲。登高事了從教雨，刈熟人忙卻要晴。莫道西成便無慮，大須濃日聯香秔。

嘲蚊四十韻

暑魃方肆行，羽孽亦厲習。肖翹極玄歷，坎兒累闕翕。濕生同糞蝎，腐化類宵爝。初來鬧郭郭，少進亘原際。嬰如蠅聲，麤聚若蝨羽。緝俄爲隱雷，閃逐作蜜霰。集口銜鋼鉞，鋒力洞衲衣。襲嗽聲先計，議著肉便成。吸玄豹猶未定，卓錫已深入。血隨姑嘍升，勢甚轆轤汲。沉酣尻益高，飽滿腹漸急。晶晶紫蟹眼，滴滴紅飯粒。拂掠倦體煩，爬搔痒肌澀。救東不虞西，擒一已竄十。新癩蓓蕾漲，宿暈斑爛泄。竟夜眠展轉，連牀歎於悒。云何人戚欣，乃繫汝張歛。驅以葵扇風，熏以艾烟濕。繫長鎮藏避，帳隙亟補葺。火攻憚穢臭，手拍嫌腥汁。伏翼佐掃除，網蛛助收拾。薄暮洵交攻，大明訂未戢。牛革厚逾氈，煮介銛勝鋏。遭汝尚欲困，嗟人何以給。夏蟲雖衆多，罪狀相百什。蜂蠆豈房櫳，蟻蝨但禪褶。羊羶螳登俎，驥逸蝨附鬣。蠓惟舞醢瓮，蠹止祟書袞。蚤爲傷所撮，蠅亦虎能執。彼愆可貫死，汝罪當獻級。涼颯倏然至，醜類殆哉。岌一吠背吻破，再鼓翅翎繫。三千頡利，百萬走尋邑。

快哉六合內。茂有一塵立。虛空既清涼。家巷得寧輯。雞窓
夜可誦。蛩機曉猶織。雨簾繡浪卷。風燭映珠泣。客來添羽
翼。人靜拂塵笈。恍還神明觀。似啓坏戶蟄。消長誰使然。智
力詎能及。

晚步吳故城下

意行殊不計。襟管風袖飄。然勝羽翰。拄杖前頭雙雉起。浮
圖絕頂一鵬盤。醉紅匝地斜曛暖。熨練涵空漲水寒。卻向
東阜望烟火。缺巘先映樹林丹。

北山堂開爐來坐

困眠醒坐一龕多。竹洞無關斷客過。貪向爐中煨榾柮。懶
從掌上看菴摩。閒無雜念惟詩在。老不甘心奈鏡何。八萬
四千安樂法。元無秘密可伽陀。

北城梅爲雪所厄

寒藥粘枝瘦欲乾。新年猶未有春看。雪花祇欲欺紅紫。不
道梅花也怕寒。

浙東舟中

處處煙樊圃。家家桃廡門。魚鹽臨水市。烟火隔江村。雨過
漲流重。潮來汲井渾。彎跽短篷底。休說雨朱旛。

東門外觀刈熟民間租米船相銜入城喜作二絕

爲夢見絲屨無煙。日日文書橫索錢。今日甬東官况好。東
津門外看租船。

帶到望橋綠繞船。海邊力穡屢豐年。澹青山色深黃稻。恰
似香月九月天。

重陽九經堂作

俗聞佳節自匆匆。老去愁秋又客中。青嶂卷簾三面月。黃
花吹鬢幾絲風。十年故國新栽柳。萬里他鄉舊轉蓬。誰與
安排今夜夢。片帆飛到小籬東。

大廳後堂南窓負暄

萬壑無聲海不波。一窓油紙暮春和。醉眠陡覺氍毹贅。圍
坐翻嫌楫棹多。水暖玉池添嫩鴨。花生銀海費揩摩。端如
擁褐茅簷下。祇欠烏烏擊缶歌。

晚步北園

刮地晴飈退海痕。出門無扇可障塵。麥粘瘠土何時雪。梅
糝疎林昨夜春。天鏡風煙疑夢事。鬢霜時節尚官身。裹章
束帶朝還暮。慚愧青鞋紫領巾。

春前十日作

猶嫌十日春。官忙長愧百年身。雪催未動詩無力。愁
遣還來酒不神。節物何曾欺老病。書生自慣說悲辛。終朝
無事成何事。今古紛紛一窖塵。

懷歸寄題小艇

日出塵生萬劫忙。可憐虛費隙駒光。若教閒裏工夫到。始
覺淡中滋味長。歲晚角巾思芋栗。年來手版愧耕桑。松風
麝月須相信。春水溪時上野航。

元日

老來百味絮沾泥。期會關身尚火馳。幾夜鄉心欹枕處。今
年脚力上樓時。酒缸幸有乾坤大。丹鼎何憂日月遲。莫道
神仙無可學。學仙猶勝簿書癡。

禮中不佳偶書

生平人比似維摩。試比虺虵不啻過。舊摘衰髯今雪徧。頻
看病眼轉花多。從來世味聊復爾。此去官身如老何。收拾
頽齡加藥餌。尚堪風月對婆娑。

坐嘯齋書懷

老來窮苦事相違。兀坐鈴齋竟日癡。眼目昏緣多押字。胸
襟俗爲少吟詩。月侵燈影吏方去。春過梅梢官未知。直待
食新方紱帶。明朝馬騎問陵陂。

致一齋述事

文書煙海困浮沉。不覺盤跚百病侵。偶問客年驚我老。忽
聞鸞語歎春深。今朝麥粒黃堪麩。幾日秧田綠似針。除卻
一犁春雨足。眼前無物可關心。

曉起信筆

曉汗如洗曉櫛氣稍蘇。莎蛩試風露。滿意鳴相呼。倦客
感節物。流光不躊躇。秋聲已如許。殘暑何足驅。人言今歲
熱。迥與常歲殊。此理恐未然。豈不知頭顱。年年有三伏。日
日非故吾。婆娑今尚可。後當彌不如。病骨須一涼。未暇惜
居諸。坐來有清思。西風搖井梧。

重九賞心亭登高

憶隨書劍此徘徊。投老雙旌重把杯。綠鬢風前無幾在。黃
花雨後不多開。豐年江隴青黃徧。落日淮山紫翠來。飲罷
此身猶是客。鄉心却附晚潮回。

春晚

荒園蕭瑟懶追隨。舞燕啼鶯各自私。窓下日長多得睡。樽
前花老不供詩。吾衰久矣雙蓬鬢。歸去來兮一釣絲。想見

石海詩鈔
卷之二十一
羅東春漲動小舟無伴柳絲垂

重九獨坐玉麟堂

江上西風動所思。又將清賞負東籬。年年客路黃花酒。日日鄉心白鴈詩。籠月秦淮無舊曲。馳烟鍾阜有新移。人生笑口真稀濶。况值官忙悶雨時。

公退書懷

昨者騰章奏發倉。今茲飛檄議驅蝗。四無告者僅一飽。七不堪中仍百忙。皦日自能臨俯仰。浮雲寧解制行藏。求田問舍亦何有。歲晚倦遊思故鄉。

癸卯除夜聊復爾齋偶題

五夜燈花重。東風角韻來。雪慳衣未綻。春作句多梅。寂歷羅明岳。溫磨藥鼎煨。老嫌新歲換。病喜舊星回。鬱壘先題

板。屠蘇後把杯。書屏無健筆。爆竹有寒灰。錫標牙難膠。椒盤眼倦開。陳人仍憊卧。身世兩悠哉。

甲辰人日病中吟六言六首以自嘲

攢眉輒作山字。嗽耳惟聞水聲。人應見憐久病。我偏自厭餘生。

目慌慌蟻旋磨。頭岑岑鼈負山。筆牀久已均伏。藥鼎何時可開。

政爾榮枯衛齒。剛云人厄天窮。歸咎四衝臨歲。乞將九曜過宮。

復吉旣愆七日。泰來惟俟三陽。曆日今頒寅正。占星更候農祥。

有日猶嫌開牖。無風不敢下簾。報國丹心何似。夢中抵掌

瓶花

壯歲喜新節物。老來惜舊年華。病後都盧不問家。人時換

瓶花

上元紀吳下節物排諧體三十二韻

斗野豐年屢。吳臺樂事并。酒壚先疊鼓。歲後卽旗亭。先擊

燈市蚤投瓊。臘月卽有燈市珍奇者數人。價喜膏油賤。

祥占雨雪晴。負簪仙子洞。坊巷燈以連枝竹縛。蕭蕭化人

城。蓮花燈。橋炬疑龍見。舟人接竹危橋之表。橋星訝鵲成。

燈。橋。小家麗獨踞。燈。高開鹿雙撐。燈。屏展輝雲母。琉璃簾垂

見水精。琉璃。萬窓花眼密。萬眼燈。以碎羅紅白相間。砌

隙玉虹明。琉璃。每隙映。簷。葡萄丹房桂。燈。子。葡萄綠

喜雨

昨遣長鬚借踏車。小池須水引鳴蛙。今朝一雨添新漲。便

合翻泥種藕花。

風止

收盡狂飈卷盡雲。一竿晴日曉光新。柳魂花魄都無恙。依

舊商量作好春。

重午

慰斗熏籠分夏衣。翁身獨比去年衰。已孤菖葢十分勸。却

要艾黃千壯醫。蜜粽水糰爲誰好。丹符綵索聊自欺。小兒

造物亦難料。藥裏有時生網絲。

積雨作寒五首

壓屋雨雲晝暗。環城霖潦夏寒。西池半沒荷柄。南蕩平沈

芙蓉

已報舟浮登岸。更憐橋踏平池。養成蛙吹無謂。掃盡蚊雷

却奇

熨貼重尋毳衲。補苴盡護紙窓。餘生雪鬢禪榻。昨夢雲帆

漲江

婢喜蚊僵霧帳。兒嗔螭篆風樵。兀坐鼻端正白。忘懷眼底

常青

山寒禪老不下。泥滑琴僧罕來。且喚園丁閒話。喜聞湖岸

未頽

洞門晝挂鐵鎖。閣道秋生綠苔。著下略同龜伏。瓜中且免

繩來

題請息齋六言十首

多謝紛紛雲雨。相忘渺渺江湖。坐隅但忘占鵲。屋上何煩

譽鳥

艷頰年年如馬。犬行日日推車。笑中恐有義浦。泣裏難防

叔魚

見影或猶鈹鈹。聞聲處尚狺狺。問離毛生名紙。知我角出

車輪

不惜人扶難拜。非關我醉欲眠。勞君敬枯木耳。恐汝見濕

灰焉

稅駕今吾將老。結廬此地不喧。恐妨蝴蝶同夢。笑倩顛當

守門

口邊一任醜去。鼻孔慵將涕收。閉門冷落車轍。空室團欒

話頭

冷暖舊雨今雨是非一波萬波。壁不禪枯達磨室中病者
維摩。親戚自有情話來往都無雜言。酒熱竟須相報。文成聊與
細論。園丁以時白事。山客終日相陪。竹比平安報到。花依次第
折來。

富順楊商卿使君。與余相別于瀘之合江。渺然再
會之期。後九年乃訪余吳門。則喜可知也。今復分
袂。更增惘然。病中強書數語送之。

合江縣下初語離。共說再會知何時。壽櫟堂前哄一笑。人
生聚散真難料。青燈話舊語未終。船頭疊鼓帆爭風。草草
相逢復相送。直恐送迎皆夢中。昨聞親上安邊奏。玉陛從
容移禁漏。天香懷袖左魚符。歸作雙親千歲壽。我今老病
塘蒲衰。君歸報政還復來。萬里猶容明月共。更期後夢如
今夢。

初秋閒記園池草木五首

芙蓉爛紫終陋。蒼蘆薦黃亦香。醫俗賸延竹色。療愁催折
萱房。

牛牽碧蔓自繞。鷄聳朱冠欲爭。菱葩可範伯雅。蓼節偏宜
麴生。

旱地蓮花嬌小。水盆梔子幽芳。薇帳半年春艷。桂叢四季
秋香。

醉憐金盞齊側。卧看玉簪對橫。腥水留灌末莉。結香旋薰
素馨。

玉苗化生稚子。碧枝視現聲聞。馬齒任藏永冷。鴻頭自勝
疏溫。

巖桂三首

風簾疎爽月徘徊。悵望家人把酒杯。病著幽窓知幾日。瓶
花兩見木樨開。

越城芳徑手親栽。紅淺黃深次第開。不用小山招隱賦。身
如強健日千迴。

枝蕭索倚宣華。東苑香風屬內家。丹碧屠蘇銀燭照。平
生奇絕象山花。少城圃中惟有一株。四明月桂持去。

藻侄比課五言詩。已有意趣。老懷甚喜。因吟病中十
二首示之。可率昆季賡和。勝終日飽閒也。

吾土支離飽太倉。若教身更健。鶴背入維揚。
認麤紛紜夢。亡羊散亂心。眇昏遮眼讀。愁苦撚髭吟。幸覺

行迷遠。其如卧病深。下何用覓硃針。

口暖衣猶襲。宵長被有稜。朝脯三楪飯。昏曉一缸燈。伴坐
跣如丸。扶行瘦比藤。生緣堪入畫。寂寞憇松僧。

繩椅扶枒骨。蒲團閣悴膚。事疑償業債。形類窘囚拘。空劫
真常體。浮生幻化軀。箇中元不二。無語對文殊。

軟熟羞盤饌。芳辛實枕幃。候晴先晒席。占濕預烘衣。易粟
鷄皮皺。難培鶴骨肥。頭顱雖若此。虛白自生輝。

數息增晨清。伸眉愜晚晴。隙塵浮日影。窓穴嘯風聲。捫
天機動。驅蚊我相生。偶然成一笑。栩栩暫身輕。

貴仕泥鑽筴。閑居馬脫鞵。冠塵昏舊製。帶眼剝新圍。堆案

書郵少登門刺字稱。拚關灰木坐。休示季威機。
目青浮珠珮。聲塵籟玉簫。秋懷潘鬢禿。午夢楚魂銷。注水
瓶花醒。吹薪鼎藥潮。南柯何處是。斜日上廊腰。
靜裏秋先到。閒中晝自長。門關終泄柳。尸祝漫庚桑。腹已
枵經笥。身猶試藥方。強名今日愈。勃宰負東牆。
汗漬筇枝赤。苔封屐齒青。有醫延上坐。無客抗分廷。霽月
鑽窓看。鳴禽側枕聽。莫嗔猿鶴怨。岫幌兩年扃。
視絮勞羣從。祇承愧闔家。乳泉供水遞。金液養丹芽。嘉釀
厚如酪。旋春香勝花。百端扶老憊。無物報投瓜。
學業荒呻畢。歡悰隔笑鹽。入秋先複幕。過夏亦疎簾。門客
嗔愁思。家人獻吉占。尤憐小兒女。時報鵲鳴簷。

灼艾

血忌詳涓日。鬼神謹避方。艾求真伏道。穴按古明堂。謝法
羣巫祝。勝如幾藥湯。起來成獨笑。一病攪千忙。

白髮行

四十踰四髭始黃。手持漢節臨大荒。興疾歸來皮骨在。兩
鬢尚作青絲光。俯仰行年四十九。萬里南馳復西走。班班
頷下點吳霜。猶可芟夷誑賓友。屈指如今又十年。兩年
臥秋風前。人生血氣能幾許。不待覽鏡知皤然。長安後輩
輕前輩。百方染藥千金賣。煩擱包裹夜不眠。無奈露頭出
光怪。病翁高卧門長扃。垂雪甍甍骨更青。兒童不作居士
喚。喚作堂中老壽星。

甲辰除夜吟

一年三百六十日。日日三椽卧衰疾。傍人揶揄還嘆咨。問

我如何度四時。我言平生老行李。蓐食趁程中夜起。當時想像閉門閑。弱水蒼蒼三萬里。如今因病得疎慵。脚底關山如夢中。重簾複幕白晝靜。戶外車馬從西東。若問四時何以度。念定更無新與故。窺花開落紀春冬。窓紙昏明認朝暮。行年六十是明朝。不服自憐聊自嘲。婪尾三杯錫一椀。從今身健齒牙牢。

元夕二首

藥爐湯鼎煮孤燈。禪版蒲團老病僧。兒女強修元夕供。玉蟾先避雪鬢鬢。

落梅穠李趁時新。枯木崖邊一任春。尚愛鄉音醒病耳。隔牆時有賣錫人。

清息齋書事二首

覆雨翻雲轉手成。紛紛輕薄可憐生。天無寒暑無時令。人不炎涼不世情。栩栩算來俱蝶夢。啾啾能有幾鷄鳴。冰山側畔紅塵漲。不隔瑤臺月露清。刻木牽絲罷戲場。祭終雨後兩相忘。門雖有雀尚廷尉。食已無魚休孟嘗。蟲裏趨時真是賊。虎中宣力任爲張。籬東舍北誰情話。鷄語鷗盟意却長。聚蚋醯邊闕似雷。乞兒爭背向寒灰。長平失勢見何晚。粟里息交歸去來。休問江湖魚有沫。但斬雲水鶴無媒。巖扉岫幌牢扃鑰。不是漁樵不與開。

送支季高符興元

素衣京洛張成繡。青鬢吳江喜未絲。燭暗不眠談舊事。酒闌作惡問行期。留書情話須親戚。風雨殘春更別離。屈指

歸來重一笑。掃除門巷著旌麾。

家人子輩往石湖檢校暮歸

南浦回春棹。東城揜暮扉。兒修維
雖欺酒花香尚染衣。衰翁牢守舍。
腸斷釣魚磯。

次韻龔養正中秋無月三首

詞客幕天清露下。老翁卧病破窓
中。高吟大醉輸公等。不

見嫦娥與我同。

去年怪雨無端甚。今歲癡雲亦復
然。減却新詩酸却酒。乘

除添得一更眠。

丙夜清光些子見。兒童驚喜強雄
夸。關珊高興應無幾。恰

似春殘看落花。

殊不惡齋春晚間吟五絕

西風入簾圖畫響。斜照穿隙網。
明。簷間雙雀有時關。壁

下一蛋終日鳴。

旁若無人鼠飲硯。麾之不去蠅登
盤。天涼睡起枕痕暖。日

晚慵來香字寒。

就食遷居蟻墳壤。隨風作舍蛛
絲。百年何處用三窟。萬

事信緣安一枝。

市聲洶洶鼓摧陣。日影駸駸潮漲
痕。消磨意氣默數息。把

玩光陰牢閉門。

中秋昨已等閑過。重九今還如夢
不。霜髯數莖羞墮。黃

花三度笑空杯。

丙午新正書懷十首

不用桃符貼畫鷄。身心安處是天
倪。行年六十舊曆日。汗

石湖詩金
脚尺三新杖。藜祝我。賸周花甲子。謝人遠勸玉東西。春風若借筋骸便。先渡南村學灌畦。

瘦骨難勝過節衣。日高催起趁農炊。病癯瘦骨隨身慣。老覺屠蘇到手遲。一飽但蕲庚癸諾。百年甘守甲辰雌。莫言此外都無事。柳眼梅梢正索詩。

蒼茗燒香了歲時。靜中光景笑中嬉。身閒一日似兩日。春淺南枝如北枝。前鏡略無功業到。午窓惟有睡魔知。年來併束牀頭易。一任平章濟叔癡。

窮巷閒門本閤然。強將爆竹聒階前。人情舊雨非今雨。老境增年是減年。口不兩匙休足氣。生能幾屐莫言錢。掃除一室空諸有。龐老家。人總解禪。品語云。一口不能著。兩匙

厲風翻海雪漫天。百計逃寒息草。綠穩作。彼爐如卧炕。厚裁綿旋勝被。尊前見在背嚙醉。飯後無何爛熯眠。斟酌出門高興盡。從教閒却剡溪船。披簾錦旋皆新得法

俗情如絮已泥沾。因病偷閒意屬厭。鵬鷄相安無可笑。熊魚自古不容兼。灰埋楮袖多時暖。雪壓蔓青滿意甜。溫飽閉門吾事辦。異時書判指如籤。

炭熟香濃石鼎煨。人言小閣是春臺。蕙心翠展一冬在。梅蕊粉融連夜開。蕭蕭九水妨發育。溫溫三火護恢台。養生此外無遺說。梨棗元須趁暖栽。水色甚。經冬不瘁。

經過掃說但幽栖。東籬東籬林蕨寄一枝。粟里歸來窓下卧。香山老去病中詩。東風馬耳塵勞後。半夜鷄聲睡熟時。俛仰平生盡陳迹。恰如屬膊幾杯棋。

窓明窓暗篆烟翻。珍重晨光與夕暉。東院齋鐘披被坐。南

城巖鼓岸中歸。道人霜滑騎朝馬。何處燈殘織曉機。懶裏
若承三昧力。始知世裏事俱非。或早眠晏起

殊方節物記吾曾。海北天西一瘦藤。烏髻雞檳嘗老酒。酥
花芋葉試新橙。瘴雲度嶺濃如墨。邊雪窺窓冷欲冰。閒展

兩鄉圖畫看。卧遊何必減深燈。此篇記桂林成都元日勝事。隨覽皆極無中物。老酒十釀。李未釀者。

丙午新年六十一歲俗謂之元命作詩自貶

歲復當生次星臨本命辰。四人同丙午。初度再庚寅。長狄
名猶記。沙隨會若新。童心仍竹馬。暮境忽蒲輪。鏡裏全成
老。尊前略似春。三年歸汶上。千日卧漳濱。剛長交新泰。陰
消脫舊屯。網蛛繁藥裏。竇犬吠醫人。窓下烏皮几。田間紫
領巾。鯢瀦方止水。鯢海任揚塵。波匿觀河見。維摩示病身。

端選一笑。默識幼中真。文淵公詩云。四人二百四十。是謂同生。丙午年。僕用此事。

春來風雨無一日好晴。因賦瓶花二絕。

滿插瓶花罷出遊。莫將攀折為花愁。不知燭照香薰看何
似。風吹雨打休。

酒冷花寒無好懷。柴荆終日為誰開。三分春色三分雨。正
似東風本不來。

春晚即事留游子明王仲顯

地紅千點。平橋綠一篙。練花來石首。穀雨熟櫻桃。笑我
生塵甌。慙君有意袍。故人能少駐。門徑久蓬蒿。

梅雨五絕

梅雨暫收斜照明。去年無此一日晴。忽思城東黃篋舫。卧
聽打鼓踏車聲。

已酉甲申雷雨驚。乘除却賀芒種晴。插秧先插早秈稻。小
愚數旬蒸米成。甲申乙酉雨則大水

風聲不多雨聲多。洶洶曉食聞浪波。恰似秋眠隱靜寺。玉
霄泉從林下過。

千山雲深甲子雨。十日地濕東南風。靜裏盡天人不到。火
輪飛出獸存中。

雨霽雲開池面光。三年魚苗如許長。小荷拳拳可包鮓。晚
日照盤風露香。

次韻李永見訪二首

混俗休超俗。居家似出家。有為皆影事。無念即生涯。莫覓
安心法。翻成捏目花。作糜須穀粟。千劫漫炊砂。
有意能停棹。多情易憶家。清詩穿月脇。遠夢繞天涯。雨蝶

飛濡粉。秋蚊喙吐花。新涼宜小駐。談笑有丹砂。

自詠瘦悴

皮下無多肉。老來瘦不禁。骨稜春焙銜。筋蹙海山沈。蟻蟲
從何有。蚊蠅枉見侵。惟餘老筇杖。相伴兩虛心。

四時田園雜興六十首 并引

淳熙丙午沉疴少紓。復至石湖舊隱。野外即事。輒書一
絕。終歲得六十首。號四時田園雜興。

柳花深巷午雞聲。桑葉尖新綠未成。坐睡覺來無一事。滿
窓晴日看蠶生。

土膏欲動雨頻催。萬草千花一餉開。舍後荒畦猶綠秀。隣
家鞭筍過牆來。

高田二麥接山青。傍水低田綠未耕。桃杏滿村春似錦。踏

歌雄鼓過清明。
老盆新熟社茅柴。嚮田頭祭社來。巫媪莫嫌滋味薄。旗
亭官酒更多灰。
社下燒錢鼓似雷。日斜扶得醉翁回。青枝滿地花狼籍。知
是兒孫鬪草來。
騎吹東西里巷喧。行春車馬鬧如煙。繫牛莫礙門前路。移
繫門西碌碡邊。
寒食花枝插滿頭。蓀裙青袂幾扁舟。一年一度游山寺。不
上靈巖卽虎丘。
郭裏人家拜掃回。新開醪酒薦青梅。日長路好城門近。借
我茅亭暖一杯。
步履尋春有好懷。雨餘蹄道水如杯。隨人黃犬攬前去。走

到溪橋忽自迴。

種園得果歷償勞。不奈兒童鳥雀搔。已插棘針樊筍徑。更
鋪漁網蓋櫻桃。
吉日初開種稻包。南山雷動雨連宵。今年不欠秧田水。新
漲看看拍小橋。
桑下春蔬綠滿畦。菘心青嫩芥臺肥。溪頭洗釋店頭賣。日
暮裹鹽沽酒歸。

右春日田園雜興十二絕

紫青萼葉卷荷香。玉雪芹芽拔薤長。自擷溪毛充晚供。短
篷風雨宿橫塘。
湖蓮舊蕩藕新翻。小小荷錢沒漲痕。斟酌梅天風浪緊。更
從水外種盧根。

蝴蝶雙雙入菜花。日長無客到田家。雞飛過籬犬吠竇。知有行商來賣茶。

滿裙水滿菘瀕洲。上巳微寒嬾出游。薄暮蛙聲連曉鬧。今年田稻十分秋。上巳蛙鳴無水

新綠園林曉氣涼。晨炊早出看移秧。百花飄盡桑麻小。夾路風來阿魏香。

三旬蠶忌閉門中。鄰曲都無步往蹤。猶是曉晴風露下。采桑時節曾相逢。

汗萊一鏡水周圍。歲歲蠲廬沒半扉。不看芟青難護岸。小舟撐取荷田歸。

茅針香軟漸包茸。蓬樞甘酸半染紅。采采歸來兒女笑。杖頭高挂小筠籠。

穀雨如絲復似塵。麥瓶浮蠟正常新。牡丹破萼櫻桃熟。未許飛花減却春。

雨後山家起較遲。天窓新色半熹微。老翁欹枕聽鶯囀。童子開門放燕飛。

海雨江風浪作堆。時新魚菜逐春回。荻芽抽筍河魴上。棟子開花石首來。

鳥鳥投林過客稀。前山煙暝到柴扉。小童一棹舟如葉。獨自編欄鴨陣歸。

右晚春田園雜興十二絕

梅子金黃杏子肥。麥花雪白菜花稀。日長籬落無人過。惟有蜻蜓蛺蝶飛。

五月吳江麥秀寒。移秧披絮尚衣單。稻根科斗行如塊。田

水今年一尺寬。

二麥俱收斗百錢。田家嘆作小豐年。餅爐飯甑無飢色。接

到西風熟稻天。

百沸縲湯雪虜波。線車嘈噴雨鳴蓑。桑枯盆手交相賀。綿

繭無多線繭多。

小婦連宵上絹機。大耆催稅急于飛。今年幸甚蠶桑熟。留

得黃絲織夏衣。

下田屨水出江流。高壩翻江逆上溝。地勢不齊人力盡。丁

男長在踏車頭。

畫出耘田夜績麻。村莊兒女各當家。兒童未解供耕織。也

傍桑陰學種瓜。

槐葉初勻日氣涼。萋萋鼠耳翠成雙。三公只得三株看。開

客清陰滿北窓。

黃塵行客汗如漿。少住儂家嗽井香。借與門前盤石坐。柳

陰亭午正風涼。

千頃芙蓉放棹嬉。花深迷路晚忘歸。家人暗識船行處。時

有驚忙小鴨飛。

米菱辛苦廢犁鉏。血指流丹鬼質枯。無力買田聊種水。近

來湖面亦收租。

蠲燿千萬沸斜陽。蛙黽無邊聒夜長。不把癡聾相對治。夢

魂爭得到藜牀。

右夏日田園雜興十二絕

杞菊垂珠滴露紅。雨蛩相應語莎叢。蟲絲罽盡黃葵葉。寂

歷高花側晚風。

朱門乞巧沸歡聲。田舍黃昏靜掩扉。男解牽牛女能織。不
須邀福渡河星。橘蠹如蠶入化機。枝間垂繭似蓑衣。忽然蛻作多花蝶。翅
粉纔乾便學飛。靜看簷蛛結網低。無端妨礙小蟲飛。蜻蜓倒挂蜂兒窠。催
喚山童爲解圍。垂成禱事苦艱難。忌雨嫌風更怯寒。戩訴天公休掠剩。半
償私債半輸官。秋來只怕雨垂垂。甲子無雲萬事宜。穫稻畢工隨曬穀。直
須晴到入倉時。中秋晴景屬潛夫。棹入空明看太湖。身外水天銀一色。城
中有此月明無。

新築塲泥鏡面平。家家打稻趁霜晴。笑歌聲裏輕雷動。一
夜連枷響到明。租船滿載候開倉。粒粒如珠白似霜。不惜兩鍾輸一斛。尚
贏糠覈飽兒郎。菽粟瓶罍貯滿家。天公欲將醉作生涯。不知新滴堪芻未。今
歲重陽有菊花。細擣棖蕪有鱸魚。西風吹上四腮鱸。雪鬆酥膩千絲縷。除
却松江到處無。新霜徹曉報秋深。染盡青林作纈林。惟有橘園風景異。碧
叢叢裏萬黃金。

右秋日田園雜興十二絕

斜日低山片月高。睡餘行藥繞江郊。霜風掃盡千林葉。閒

倚筇枝數點。

炙背簷前日似烘。暖醺醺後困蒙蒙。過門走馬何官職。側帽籠鞭戰北風。

屋上添高一把茅。密泥房壁似僧寮。從教屋外陰風吼。卧聽籬頭響玉簫。

松節燃膏當燭籠。凝烟如墨暗房櫳。曉來拭淨南廳紙。便覺斜陽一倍紅。

乾高寅缺築牛宮。卮酒豚蹄酹土公。枯特無瘟犢兒長。明年添種越城東。

放船開看雪山晴。風定奇寒晚更凝。坐聽一篙珠玉碎。不知湖面已成冰。

撥雪挑來踏地菘。味如蜜藕更肥醲。朱門肉食無風味。只作尋常菜把供。

榾柮無煙雪夜長。地爐煨暖如湯。莫嗔老婦無盤飣。笑指灰中芋栗香。

煮酒春前臘後蒸。一年長。甕頭清麈居何似。山居樂。秫米新來禁入城。

黃紙蠲租白紙催。皂衣旁下鄉來。長官頭腦冬烘甚。乞汝青銅買酒廻。

探梅公子欵柴門。枝北枝南總未春。忽見小桃紅似錦。卻疑儂似武陵人。

村巷冬年見俗情。鄰翁講禮拜柴荆。長衫布縷如霜雪。云是家機自織成。

右冬日田園雜興十二絕

五言詩

二十一

自晨至午起居飲食皆以牆外人物之聲爲節戲書

四絕

巷南敲板報殘更。街北彈絲行誦經。已被兩人驚夢斷。誰

家風鶴鬪鳴鈴。菜市喧時窓透明。餅師叫後藥煎成。閒居日出都無事。惟

有開門掃地聲。北岩教回搗鼓遠東。飯熟打鐘頻。小童三喚先生起。日

滿東窓暖似春。起傍東窗手把書。華顛種種不經梳。朝餐欲倒須巾裹。已

有重來晚市魚

新修小舫因病禳祓。屯滯遂至北城迤邐到楓橋一路

而還

好在馳煙路。平生載酒行。摧藏身久病。契濶歲頻更。昨夜
燈花曉。今朝稻把晴。出門新夢境。獨目舊詩情。水遠推篷
眩。天寬倚棹驚。轉灣添綽挽。罨岸併篙撐。舫後裝兒女。艫
前酌弟兄。醅香新麴嫩。茗味小春輕。紅皺分霜果。黃鶯燃
夕英。纈林疎露屋。朱閣靜臨城。桃塢論今昔。楓橋管送迎。
山腰樵擔動。木末酒旗明。竟日窳煙直。中流塔影橫。數帆
殘照滿。一笛暮江平。曬網楓邊杙。牽罾柳際棚。岫雲縈石
住。田水穴堤鳴。過渡牛歸速。穿籬犬吠聲。魚寒猶作陣。雁
遠更聞聲。急榜潮痕出。疎鐘暝色生。鄰翁欣問訊。逋客愧
寒盟。一昨成歸卧。于今負耦耕。生涯都塌颯。心曲漫擘縈。
猿鶴休多怨。菰蓴尚可羹。藥囊吾厭苦。扶藜且班荆。

重陽後菊花二首

寂寞東籬濕露華。依前金盞照泥沙。世情兒女無高韻。只
看重陽一日花。
過了登高菊尚新。酒徒詩客豈知聞。恰如退士垂車後。勢
利交親不到門。

丁未春日擬中梅殊未開二首

煖閣無人到。寒枝爲我橫。情鍾吹葉破。靜極覺香生。老去
魂休斷。春來眼且明。逃禪時索笑。百匝傍窗行。
夜雪臘前凍。朝陽春後蘇。人憐疎葉瘦。花笑病翁臞。露白
能多少。尋春似有無。詩催全不力。煮水換銅壺。

題夫差廟

縱敵稽山禍已胎。垂涎上國更荒哉。不知養虎自遺患。只

道求魚無後災。夢見梧桐生後圃。眼看麋鹿上高臺。千齡
只有忠臣恨。化作濤江雪浪堆。

翻韞菴夜坐聞雨

閉門冷落靜無譁。小閣簾幃密自遮。日晚課程丹竈火。夜
深光景佛燈花。人生寧有病連歲。身世略如僧在家。步屨
尋春非老伴。任教風雨喚雷車。

睡起

慙慙與世共兒嬉。兀兀從人笑我癡。閒裏事忙晴聯藥。靜
中機動夜爭棋。心情書卷無佳句。時節梅花有好枝。熟睡
覺來何所欠。檀根香軟飯流匙。

賞海棠二絕

芳春隨分到貧家。兒女多情惜歲華。聊爲海棠修故事。去

年燈燭去年花。
憶向宣華夜倚欄。花光妍暖月光寒。如今場颯嫌風露。且只銅瓶滿插看。

午窓遣興家人謀過石湖

雲日初收破柱雷。小窓坐穩興悠哉。熏爐花氣朝醒解。茶鼎松風午夢迴。謝客門闌風動竹。惜春時節雨肥梅。畫船破浪亦一快。聞道湖光如撥醅。

將至石湖道中書事

水綠鷗邊漲。天青雁外晴。柳堤隨草遠。麥壟帶桑平。白道吳新郭。蒼煙越故城。稍聞雞犬鬧。僮僕想來迎。

三月十六日石湖書事三首

春事日以闌。暑陰正清美。地節入林下。秀綠照衣袂。盧橘

子黃櫻桃桑椹紫。荷依浪花紅。荷破苔色起。風日收宿陰。物色有新意。鄰曲知我歸。爭來問何物。病癘今有無。加飯日能幾。掀髯謝父老。衰雪已如此。

種木二十年。手開南野荒。冉冉新歲月。依舊林塘汙萊。擅下濕。苔蔚驕衆芳。菱母尚能瘦。竹孫如許長。憶初學圃時。刀笠冒風霜。今茲百不堪。裹帽人扶將。龍鍾數能來。猶勝兩相忘。

湖光明可鑒。山色淨如沐。心樞舊觀。愁眼快奇矚。依然北窓下。凝塵滿香簾。訪我烏皮几。拂我青氈褥。荒哉賦遠游。幸甚遂初服。老紅餞餘春。衆綠自幽馥。好風吹晚晴。斜照入疎竹。兀坐胎息勻。不覺情夢熟。

送遂寧何道士自潭相歸蜀

書劍飄然席未溫。火雲撲地暑煙昏。山黃水濁湖南路。竹
月荷風憶范村。

再遊天平有懷舊事且得卓菴之處呈壽老

舊書光陰二十年。殘僧相對兩依然。木蘭已老無花發。石
竹依前有麝眠。萬戶直須龜手藥。一龕何用買山錢。從今
半座須分我。共說昏昏一覺禪。

晚登木瀆小樓

萬象當樓繡繡張。欄干一土立蒼茫。雲堆不動山淡碧。星
出無多月淡黃。宿鳥盡時猶數點。歸鴻驚處更斜行。松陵
政有鱸魚上。安得長竿坐釣航。

題米元暉吳興山水橫卷

道場山麓接何山。影落茗溪浸碧欄。只欠荷花三十里。橫

頭船上把漁竿。

素羹

覆芋凝酥敵少城。土諸割玉勝南京。合和二物歸家煖。新
法儂家骨董羹。

除夜地爐書事

節物閒門裏。人情老境中。雁聲凌急雨。燈影戰斜風。擗醃
新醅白。紫錐軟火紅。家人欣夜話。我已困蒙茸。持醅留之

次韻虞子建見哈贖帶詩

齋祠難著野衣冠。旋贖金章始見閑。台榭塵侵礎路暗。花
書墨漬笏頭斑。當年駟騎傳呼賜。此日村童拂拭還。若比
前廳荒驛舍。見存猶可一開顏。
兒女傳觀省見稀。病身聊復借光輝。莫嫌憔悴沈腰瘦。且

真間闕秦壁歸不是與來還酒債亦非將法換寒衣塵魚
甕釜時相厄微汝誰能爲解

顏橋道中

村村籬落總新修處處田疇盡有秋一農家好風景
堆高出屋山頭

書事三絕

爨婢請淘酒米園丁催糞巷錢如許日生公事誰云窮巷
蕭然

日日處方候脈時時推灸禳災門外誰無車轍醫生卜叟
猶來

簡于約同湖棹周郎許過田廬碧雲日暮空合多病故人
遂疎

親鄰招集強往便歸

樂天漸老欲謀歡大似蒸砂不作團已覺笙歌無暖熱仍
嫌風月太清寒氣衰况復三而竭心賞猶于四者難卻恐
人嫌情太薄聊將花作霧中看

雪意方濃復作雨

擬看飛花陣翻成建水聲雨吾寧不識雪汝幾時成三白
從今卜千倉待此盈黃雲如有意青女莫無情

春朝早起

莫笑眠常早還憐起不遲穠香溢夜氣小雨濕春姿瘦比
中年甚寒惟病當知羨渠兒女健繞屋探南枝

詠懷自嘲

簷溜春猶凍門扉晚未開退閑驚客至衰懶怕書來日日

教燒竹朝朝遣探梅園丁應竊笑猶自說心灰

早衰

早衰頭腦已冬烘信拙心情似苦空僚舊姓名多健忘家人長短總伴聾一窓暖日棋聲裏四壁寒燈藥氣中晚景只消如此過不堪拈出教兒童

習閒

習閒成懶懶成癡六用都藏縮似龜雪已許多猶不飲梅今如此尚無詩閒看猫暖眠覆褥靜聽鴉寒叫竹籬寂寞無人同此意時時惟有睡魔知

陰寒終日兀坐

東風微解緩簷冰仍喜朝來井水清臘淺得春全未暖雪怪和雨最難晴小窓日暖猶棋局窮巷更深尚屐聲莫把

推類嫌暮景且將閒散替勞生

親戚小集

避濕違寒不出門一冬未省正冠巾月從雪後皆奇夜天向梅邊有別春秉燭登臨空話舊擁爐情味莫懷新榮華勢利輸人慣贏得尊前現在身

睡覺

尋思斷夢半霄騰漸見天窓紙瓦明宿鳥噪羣穿竹去懸前猶自打殘更

臘月村田樂府十首并引

余歸石湖往來田家得歲暮十事採其語各賦一詩以識土風號村田樂府其一冬春行臘日舂米爲一歲計多聚杵臼盡臘中畢事藏之土瓦倉中經年不壞謂之

冬春米其二燈市行風俗尤競上元一月前已賣燈謂
之燈市價貴者數人聚博勝則得之喧盛不減燈市其
三祭竈詞臘月二十四夜祀竈其說謂竈神異日朝天
白一歲事故前期禱之其四口數粥行二十五日煮赤
豆作糜暮夜闔家同饗云能解瘟氣雖遠出未歸者亦
畱貯口分至穰穰小兒及僮僕皆預故名口數粥豆粥
本正月望日祭門故事流傳爲此其五爆竹行此宅郡
所同而吳中特盛惡鬼蓋畏此聲古以歲朝而吳以二
十五夜其六燒火盆行爆竹之夕人家各又于門首燃
薪滿盆無貧富皆爾謂之相暖熱其七照田蠶詞與燒
火盆同日村落則以香帚若麻蕪竹枝葦燃火炬縛長
竿之杪以照田蠶然徧野以祈絲穀其八分歲詞除夜
祭其先竣事長幼聚飲如頌而散謂之分歲其九賣癡
獸詞分歲罷小兒繞街呼叫云賣汝癡賣汝獸世傳吳
人多獸故兒輩諱之欲買其餘益可笑其十打灰堆詞
除夜將曉鷄且鳴婢獲持杖擊糞壤致詞以祈利市謂
之打灰堆此本彭蠡清君廟中打如願故事惟吳下
至今不廢云

冬春行

臘中儲書百事利。第一先春年計米。羣呼步確滿門庭。運
杵成風雷動地。節勻箕筴無糲糠。百斛只費三日忙。齊頭
圓潔箭子長。隔籬輝日雪生光。土倉瓦龕分蓋藏。不蠹不
腐常新香。去年薄收飯不足。今年頓頓炊白玉。春耕有種
夏有糧。接到明年秋刈熟。鄰叟來觀還歎嗟。貧人一飯不

可賒官租私債紛如麻。有米冬春能幾家。

燈市行

吳臺今古繁華地。偏愛元宵影燈戲。春前臘後天好晴。已向街頭作燈市。香玉千絲類鬼工。剪羅萬眼人力窮。兩品爭先最先出。不待三五迎東風。兒童種麥荷鉏倦。偷閒也向城中看。酒壚博塞雜歌呼。夜夜長如正月半。災傷不及什之三。歲寒民氣如春酣。儂家亦幸荒年少。始覺城中燈市好。

祭竈詞

古傳臘月二十四。竈君朝天欲言事。雲車風馬少留連。家有杯盤豐祀。猪首爛。熟雙魚鮮。豆砂甘鬆粉餅圓。男兒酌獻女兒避。酌酒燒錢竈君喜。如子關爭若莫聞。猶狗觸

穢君莫噴。送君醉飽。天門杓長杓短。勿復云乞。取利市歸來分。

口數粥行

家家臘月二十五。浙米如珠和豆煮。大杓撩錯分口數。疫鬼聞香走無處。餓薑居。桂澆蔗糖滑甘無比。勝黃梁。全家團樂罷晚飯。在遠行人亦留分。襁中孩子強教嘗。餘波溥霑獲與臧。新元時氣調玉燭。天行已過來萬福。物無疵厲年穀熟。長向臘殘分豆粥。

爆竹行

歲朝爆竹傳自昔。吳儂政用前五日。食殘豆粥掃籠塵。截筒五尺煨以薪。節間汗流火力透。健僕取將仍疾走。兒童却走避其鋒。當皆擊地雷霆吼。一聲兩聲百鬼驚。三聲四

聲鬼集傾十聲連百神道寧八方上下皆和平卻拾隻頭
頭疊牀底猶有餘威可驅厲屏除藥物添酒杯盡日嬉游
夜濃睡

燒火盆行

春前五日初更後排門然火如晴晝大家薪乾勝豆豉小
家帶葉燒生柴青煙滿城天半白棲鳥驚飛啼格磔兒孫
圍坐鷄犬忙鄰曲歡笑遙相望黃宮氣應纔兩月歲陰猶
嬌風慄烈將迎陽令作好春政要火盆生暖熱

照田蠶行

鄉村臘月二十五長竿然炬照南畝近似雲開森列星遠
如風起飄流螢今春雨雹爾絲少秋日雷鳴稻堆小儂家
今夜火最明的知新歲田蠶好夜闌風焰西復東此占最
穡君莫嗔送君醉飽歸天門杓長杓短勿復云乞取利市
歸來分

數粥行

家家臘月二十五浙米如珠和豆煮大杓撩鎚分口數疫
鬼聞香走無處餓薑居桂澆蔗糖滑甘無比勝黃梁全家
團樂罷晚飯在遠行人亦留分襁中孩子強教嘗餘波溲
霑獲與滅新元叶氣調玉燭天行已過來萬福物無疵厲
年穀熟長向臘殘分豆粥

爆竹行

歲朝爆竹傳自昔吳儂以用前五日食殘豆粥掃罷塵截
為五尺燦以蘇節間汗流火力透健僕取將仍疾走兒童
却走避其鋒當壻擊地雷霆吼一聲兩聲百鬼驚三聲四

聲鬼與傾十聲連百神道寧八方上下皆和平卻拾隻頭
頭疊牀底猶有餘威可驅厲屏除藥物添酒杯盡日嬉游
夜濃睡

燒火盆行

春前五日初更後排門然火如晴晝大家薪乾勝豆蘂小
家帶葉燒生柴青煙滿城天半白樓烏驚飛啼格磔兒孫
圍坐鷄犬忙鄰曲歡笑遙相望黃宮氣應纔兩月歲陰猶
嬌風慄烈將迎陽令作好春政要火盆生暖熱

照田蠶行

鄉村臘月二十五長竿然炬照南畝近似雲開森列星遠
如風起飄流螢今春雨雹剛絲少秋日雷鳴稻堆小儂家
今夜火最明的知新歲田蠶好夜闌風焰西復東此占最
吉餘難同不惟桑賤穀芄芄仍更苧麻無節菜無蟲

分歲詞

質明奉祠今古同吳儂用昏蓋土風禮成廢徹夜未艾飲
福之餘卽分歲地爐火軟蒼朮香餠盤果餌如蜂房就中
脆餠專節物四坐齒頰鏘冰霜小兒但喜新年至頭角長
成添意氣老翁把杯心茫然增年及爾減吾年荆釵勸酒
仍祝願願翁尊前且強健君看今歲舊交親大有人無此
杯分老翁飲罷笑燃鬚明朝重來醉屠蘇

賣癡歌

不寐厭禳滯鈍迎新歲小兒呼叫走長街云
有癡歌召人買二物于人誰獨無就中吳儂乃有餘巷南
巷北賣不得相逢大笑相揶揄揶翁塊坐重簾下獨要買

漆令問價兒云翁買不須錢奉賒癡獸千百年

打灰堆詞

除夜將闌曉星爛糞掃堆頭打如願杖敲灰起飛撲籬不
嫌灰苑新節衣老媪當前再三祝只要我家長富足輕舟
出商重船歸大特引犢雞哺兒野蘭可練麥兩岐短衲換
却長衫衣當年婢子挽不住有耳猶能聞我語但如我願
不汝呼一任汝歸彭蠡湖

讀白傅洛中老病後詩戲書

樂天號達道晚境猶作惡陶寫賴歌酒意象頗沈著謂言
老將至不飲何時樂未能忘暖熱要是怕冷落我老乃多
戒頗似僧律縛閒心灰不然壯氣鼓難作豈惟背聲塵亦
日醉杯酌日課數行書生經一囊藥若使白公見應譏太

蕭索當否竟何如我友試商略

淨慈顯老爲衆行化且示余所寫真戲題五絕就作

畫贊

孤雲野鶴本無求剛被差充粥飯頭擔貝一筵牙齒債鐘
鳴鼓響幾時休
冒雪敲冰乞米迴齋堂如海鉢單開衆中若有知恩者一
粒何曾敲破來
千里驅馳出爲人顏容消瘦老于真食輪轉後無餘事莫
學諸方轉法輪

何時平地起浮圖化得冬糧但付厨推倒禪牀并拄杖飢
來喫飯看西湖

殿中泥佛已丹青堂上禪師也畫成笑我形骸枯木樣無

禪無佛太粗生。

喜收知舊書復畏答書二絕

故人寥落似晨星。珍重書來問死生。筆意不如當日健。鬢邊應也雪千莖。

強裁尺素答相思。兩目眵昏腕力疲。牽率老夫今至此。門前猶說報書遲。

重陽不見菊

冷葉蕭疎蝶懶飛。商量何日是花時。重陽過後開無害。只恐先生不賦詩。

謝江東潛楊廷秀秘監送江東集并索近詩二首

遠道悠悠日暮雲。愁眉今夕爲君軒。殘燈獨照江東集。短夢相尋白下門。卽事想多梅蘂句。有誰堪共桂花尊。斯文

賴有新人在。會合何時得細論。

秃翁衰雪涕垂頤。髣髴三生懶散師。淡髓淪膚都是病。頰因倒屣更無詩。笑看筆格網絲徧。閒數窻櫺花影移。事業光陰今若此。故人休說舊襟期。

范村雪後

習氣猶餘燼。鍾情未濕灰。忍寒貪看雪。諱老強尋梅。慰貼愁眉展。勾般笑口開。直疑身健在。時有句飛來。

屢居久不見山。或勸作小樓。以助登覽。又力不能辨。

今年益衰。此興亦闌矣。

結廬占城市。初起卜云吉。謁醫并治庖。二事使衰疾。乘除徐自笑。翻覺此計失。經年不見山。無異處暗室。平生痼煙霞。歲晚成俗物。安得百尺樓。屋上高突兀。列岫擁青來。爽

石湖言金
氣助估畢。嘗試與匠謀。工費蠟尾出。俸餘強弩末。家事空囊盡。經營十年餘。高興竟蕭瑟。人生不如意。十事常六七。身今况遲暮。長算屈短日。縱成此段奇。髮白何由漆。且學商山翁。彎脰蟄霜橘。

新歲書懷

門聞知閑好。窓晴與睡宜。歲華書戶筆。年例探梅詩。看長棋三著。量添飯兩匙。豁除身外事。未是苦衰遲。

閏月四日石湖眾芳爛熳

北垞南岡總是家。兒童隨逐任驩譁。開嘗臘尾蒸來酒。點數春頭接過花。盡把園林蒙錦綉。多添門戶鎖煙霞。杖藜想被東風笑。扶却衰翁管物華。

檢校石湖新田

今朝南野試開荒。分手耘鋤草棘場。下地若干全種秫。高原無幾謾栽桑。蘆芽碧處重增岸。梅子黃時早濟塘。田里只知溫飽事。從今拌却半年忙。

連夕大風凌寒梅已零落殆盡三絕

枝南枝北玉初勻。半夜顛風捲作塵。春夢都無三日好。一冬忙殺探梅人。

玉雪飄零賤似泥。惜花還記賞花時。賞花不許輕攀折。只許家人戴一枝。

花開長恐賞花遲。花落何曾報我知。人自多情春不管。誰顏猶作送春詩。

夢覺作

年增氣血減。藥密飲食稀。氣象不堪說。頭顱從可知。忽作

少年夢嬌癡。遂見嬉。覺來一惘然。形骸乃爾。衰夢中觀河。見只似三歲時。方悟夢良是。却疑夢為非。

[Faded bleed-through text from the reverse side of the page, including characters like '少年夢嬌癡' and '見只似三歲時']

